

## Pablo lelpox carta Roma paklowaxpijwliajwa

### *Pablo lelpox carta Roma paklowaxpijwliajwa*

<sup>1</sup> Xan Pablo, nabistaxponan Jesucristoliajwa, lelx amprox carta. Dios namakafit apóstolliajwan, jiw naewñajnalialjwan chimiawñajan Dios bu'weliajwa jiw.

<sup>2</sup> Japawñajan Dios chajia jum-aech pejprofetatat, japi lel wut Dios pejjamechan. <sup>3</sup> Japawñajan wajpaklon Jesucristoliajwa, Dios paxulan. Jesucristo ampathatat nalaelt wut, japon rey David pamon. <sup>4</sup> Do baxael, wajpaklon Jesucristo tap wut, Dios mat-ech wuton pejme dukaliajwa, jawut jiw pajut chiekal matabija diachwñajnakolax Jesús Dios paxulan. Dios tapaei wajpaklon Jesucristo puexa tato'laliajwa.

<sup>5</sup> Xan Jesucristo namakafit xot, Dios natapaei apóstolliajwan. Samata, Dios xan nato'a naewñajnalialjwan Jesucristo pejwñajan judíospi, judíos-elpibej, japi jiw naexasisliajwa Jesucristo pejwñajan. <sup>6</sup> Xamal, Roma paklowaxpijwam, Dios matxoela makanot Jesucristo pejjiwaliajwam. Samata, amwutjel chiekal duilam, naexasitam xot Jesucristo pejwñajan. <sup>7</sup> Samata, xan amprox carta xato'axaelen xamalliajwa. Dios nejxasink xamal. Samata, xamal makanoton Jesucristo pejjiwaliajwam. Xan waj-ax Dios kawñajna, wajpaklon Jesucristobej, xamal

kajachawaesliajwapi babijax isasamatam,  
duilam wut, a sew jiw s̄apich.

*Pablo taesiapox Roma paklowaxpijw*

<sup>8</sup> Xan gracias-an Diosliajwa kaenan̄la xamalliajwa, pot̄aj̄n̄chanpijw j̄m-aech xot chimi-ajamechan xamalliajwa, Jesucristo chiekal xanaboejam xot. <sup>9</sup> Xan xabich nabistax Diosliajwa, jiw naew̄aj̄nax wut Jesucristo pejw̄ajan, Dios pax̄lan pejw̄ajan. Dios chiekal matabijt xan Dios kaw̄aj̄naxpox xamalliajwa. <sup>10</sup> Xan b̄xkofs-enil Dios kaw̄aj̄naxpox japon natapaeliajwa, xan f̄laeliajwan xamal poxade. Dios natapaei wut, xamal taeyaxaelen. <sup>11</sup> Xamal taesian. Xamal naew̄aj̄nasiañbej Dios pejjamechan kaes xanaboejalijwam Dios. <sup>12</sup> Xamalxotx wut, xatis naexasichpis Dios, nakaewa nakajachawaesaxaes Dios kaes chiekal xanaboejalijwas.

<sup>13</sup> Takoew, xan nejxasinkax xamal matabijaliajwam ampox. Xan xabich nejchaxoelx pin-iamatkoïyan xamal taeliajwan. Pe asaxan nakiowa xabich na-it-el xot, xamal tae-enil. Xamalxotx wut, naew̄aj̄nasiañ Jesucristo pejw̄ajan, kaes a sew jiwbej naexasisliajwa Jesús pejw̄ajan. Xabich a sew jiw, asat̄aj̄n̄chanpijw, japi chiekal naexasit Jesucristo pejw̄ajan. Xanlap japox nejxasinkax xamalxotbej jachiliajwa. <sup>14</sup> Dios nato'a xan jiw naew̄aj̄naliajwan chimiaw̄ajan, Jesucristo pejw̄ajan. Samata, jiw naew̄aj̄naxaelen, xabich matabijapi, xabich matabija-elpipej. <sup>15</sup> Samata, xan f̄laesian Roma paklowax poxade xamal naew̄aj̄naliajwan Jesucristo pejw̄ajan.

### *Chimiauajan, Jesucristo pejwajan*

<sup>16</sup> Xan buxdala-el Jesucristo pejwajan naewajnalijwan. Japawajan jiw naexasit wut, japi jiw Dios bu'weyaxaes babijaxan ispox-anlijwa. Xanal judíos, matxoelanaexasitxpin japawajan. Amwutjel xamalbej, judíos-emilpim, naexasitam Jesucristo pejwajan. <sup>17</sup> Xatis chiekal matabijas wut Jesucristo pejwajan, chiekal matabijasbej Dios ispox, Jesucristo tɔp wut xatislijwa. Naexasich wutbej Jesús pejwajan, jatis wut, xatis babijaxan isaspoخان اجيل Dioslijwa. Dios pejjamechan, chajia lespox, jum-aech wut, jum-aechox: “Ampi jiw babijaxan ispoخان wejisal, chiekal xan naxanaboēja xoti. Samata, japi bu'wajanjil xanlijwa” —aech Dios, nejchaxoel wut japi jiwlijwa.

### *Puexa ampathatpijw pejb'u'wajanpox Dioslijwa, is xoti babijaxan*

<sup>18</sup> Xatis matabijas Dios, athaxot dukpon, japon xabich puexa jiw kastikaxael, babijaxan ispi. Xabich babijaxan is xoti, japi tapae-esal matabijalijwa diachwajnakolaxpox Dioslijwa. <sup>19</sup> Japi jiw matabijalijwapi Dios, wetampoela-esal, Dios pajut kajachawaesaxaes xoti japi jiw chiekal matabijalijwa. <sup>20</sup> Jiw taeyaxil Dios, japon espíritu xot. Pe nakiowa, babijaxan ispi taen wuti Dios ispoخان, japi jiw pajut matabijaxael, Dios diachwajnakolax duk. Pe nakiowa, japi jiw matabija-el, ma-aech Dios. Japi matabijaxael, ma-aech Dios, nejchaxoel wut Dios ispoخانlijwa ampathatat. Samata, japi jiw jumchiyaxil asew

jiwliajwa: “Xanal matabijaxinil, ma-aech Dios pe-nejchaxoelaxan” —chiyaxili. <sup>21</sup> Babijaxan ispi, japi jiw matabija Dios pomatkoicha dukpox. Pe nakiowa, japi jiw sitae-eli Dios. Japibej chinax kaematkoï graciaschi-el Diosliajwa, Dios ispoxanliajwa japiliajwa. Japi jiw nejchaxoelaful nejliaklaxan. Samata, matabija-el diachwajnakolaxpox Diosliajwa. Matabija-elbejpi pachaempoxan isliajwa, isasamatabej pachaema-elpoxan. <sup>22</sup> Japi jiw nakaewa najum-aech: “Xatis kaes pejme matabijas” —na-aechi. Diachwajnakolax japi matabija-el. Japi nejliakla xot, japoxan najum-aech. <sup>23</sup> Japi Dios xanaboeja-el, xajumpon puexa isliajwa, asamatkoï tuxaxilponbej. Japi ídolos xanaboeja, pajut ispoxan. Japi pejew ídolos, ael-isas, me-ama jiw, mia, jom, choefbej.

<sup>24</sup> Samata, Dios koft japi jiw pajut babijaxan isasiapoxan isliajwa. Japi babijaxan isful, xabich padalapoxan nakaewaliajwa. <sup>25</sup> Nejweslabejpi naexasisliajwa diachwajnakolaxpox, Dios pej-jamechan. Dios sitae-elbejpi. Kawajna-elbejpi Dios, japon xajumpon puexa isliajwa. Japilax naexasit diachwajnakolaxa-elpoxan, kichachajbapoxanbej. Asbuan jumch sitaeni Dios ispoxan. Japoxan japi kawajan. Me-ama kachawaesliajwas wut, ja-aechi japoxanliajwa. Pelax jiw, naexasiti Jesús pejjwan, japi pomatkoicha jumchiyaxael Diosliajwa: “Dios xabich pachaem” —chiyaxaeli.

<sup>26</sup> Samata, Dios koft japi jiw pajut babijaxan isasiapoxan isliajwa, padalapoxan. Samata, watho' nejxasinka-el nosliajwa poejiw. Japi watho' nakaewatho'a nabumoejt isliajwa

isasiapoxan. <sup>27</sup> Ma-is poejiw ja-aech. Nejxasinka-eli nosliajwa watho'. Poejiw nakaepoejwa nabu'moejt isliajwa padalapoxan. Samata, japi jiw amwutjel xabich Dios kastikas.

<sup>28</sup> Sitae-el xoti Dios, Dios koft japi jiw isfulaliajwa babijaxan, isaxilpoxan. <sup>29</sup> Japi jiw is puexa babijaxan. Nejchaxoeli asew jiw pejew natkowaliajwa. Japi is babijaxan asew jiw tabesliajwa. Japi nusasiowal, kitaen wut asew jiw pejew. Japi asew jiw bu'aba. Japi nejxasink nakaewa nalosax. Japi nejxasink naekichachajbaxan. Japi is babijaxan asew jiw nabijasliajwa. Japibej buxwujajanmaenk. <sup>30</sup> Japi jum-aech babejjamechan asew jiwliajwa puexa asew jiw pejwujajnalel. Japi Dios padaelmajiw. Japi jum-aech babejjamechan asew jiwliajwa, sitae-el xoti asew jiw. Japi nejchaxoel: “Xan kaes pejme pachaeman. Me-ama asew jiw, jachi-enil” —aechi, pajutliajwa nejchaxoel wut. Japi nakaewa najum-aech: “Isaxaes asaxan babijaxan asew jiwliajwa, jiw matabija-elpoxan” —na-aechi nakaewaliajwa. Do jawux, japi jiw is japoxan, babijaxan. Japi naexasis-el paxjiw, penjiwbej, fiach wut. <sup>31</sup> Japi nejliakla. Is-el jumduwpoxan, asew jiwliajwa isaxaelpoxan. Japi nejxasinka-el asew jiw. Japibej beltae-el asew jiw. <sup>32</sup> Japi chiekal matabija Dios fiachpoxan. Japi matabija Dios pelsaxespox, babijaxan is xoti asew jiwliajwa. Pe nakiowa, japi jiw babijaxan is asew jiwliajwa. Asbuun jumch japi jiw nejchachaemil, asew jiw babijaxan is wut asewliajwa.

## 2

### *Babijaxan ispi, asamatkoi japi jiw Dios kastikaxaespoX*

<sup>1</sup> Xamal jum-am wut asew jiwliajwa: “Japi jiw babijaxan is. Samata, Dios kastikaxaesi” —am wut, jasox jum-am xot, xamalbej Dios kastikaxael, babijaxan isam xot. <sup>2</sup> Matabijas. Asamatkoi Dios jiw kastika wut, kaes babijaxan ispi, japi jiw kaes kastikaxaes. Kaesupich babijaxan ispi, kaesupich kastikaxaes. <sup>3</sup> Xamal jum-am wut babijaxan ispi, japi jiw Dios kastikaxaes” —am wut, jasox jum-am wut, xamalbej diachwajnakolax weyaximil, Dios pejkastikamatkoi pat wut. <sup>4</sup> Xamal japox jum-am wut asew jiwliajwa, chiekal nejchaxoelaximil. Dios xabich piach kajachawaet, xamal kofaliajwam babijaxan isampoxan. <sup>5</sup> Me-ama matabijajemil wut, ja-am Diosliajwa, chiekal naexaxisemil xot Dios. Nakiowa babijaxan isam xot, kastikamatkoi pat wut, puexa babijaxan ispi Dios kastikas wuti, xamalbej Dios kastikaxael, japi jiw supich. <sup>6</sup> Japamatkoi jiw, kaenanala babijaxan ispi, kastikaxaes. Xabich babijaxan ispi, japi xabich kastikaxaes. Xabich babijaxan iselipi, japi xabich kastikaxisallejen. <sup>7</sup> Asew jiw nejxasink Dios nejchachaemlaliajwa japiliajwa. Samata, japiliajwa tampoel wut, japi nakiowa isful pachaempoxan. Ja-aech wut, Dios tapaeయాesi duilaliajwa pomatkoicha japonxotse. Jaxotse pomatkoicha itliak Dios pej-itliakax. <sup>8</sup> Asew jiw naexaxis-eli Dios. Japi is babijaxan. Samata, Dios palala xot, japi jiw kastikaxaelon. <sup>9</sup> Puexa jiw,

babijaxan ispi, judíos, judíos-elpibej, nabijasaxael. <sup>10</sup> Jiw, ispi pachaempoxan, judíos, judíos-elpibej, puexa japilax, pomatkoicha duilaxael Diosxotse. Jaxotse itliak Dios pej-itliakax. Dios nejchachaem-laxael japi jiwliajwa. Chiekal duilaxaelbejpi.

<sup>11</sup> Dios kastika wut babijaxan ispi, chiekal taeyaxaelon. Samata, puexa judíos, judíos-elpibej, kastikaxaelon. <sup>12</sup> Judíos-elpi matabija is-elaliajwa babijax. Pe nakiowa, japi babijaxan is. Samata, judíos-elpi Dios kastikaxaes. Judíos matabija Moisés chajia lelpox tapae-el isliajwa babijaxan. Pe nakiowa, japi judíos is babijaxan. Samata, japi kastikaxaes Dios. <sup>13</sup> Judíos chiekal naexaxisaxael wut Moisés chajia lelpox, japi bu'wujanjilaxael. Pe judíos puexa chiekal naexaxis-el Moisés chajia lelpox. Samata, amwutjel japi judíos pejb'u'wujanj Diosliajwa. <sup>14</sup> Judíos-elpi chinax matabija-el Moisés chajia lelpox. Chiekal ma-aechi. Pe nakiowa, japi pajut pijaxtat naexasit wuti Moisés chajia lelpox, ja-aech wut, japi pajut chiekal matabija isliajwa pachaempoxan. <sup>15</sup> Japi is wut pachaempoxan, me-ama pajut matabija wut, ja-aechi Moisés chajia lelpoxliajwa. Judíos-elpi pajut matabija, is wut pachaempoxan. Matabijabejpi, is wut babijaxan. <sup>16</sup> Asamatkoi Dios to'axael Jesucristo, japon kaenanula jiw jumchiliajwa, maliach ispi pachaempoxan, o, pachaema-elpoxanbej. Xan japoxliajwa jum-an, naewujanjax wut jiw Jesús pejwujanj.

*Amxot jum-aechpox judíosliajwa, Moisés chajia lelpoxliajwabej*

17 Xamal judíos nakaewa najum-am: “Xatis judíos kaes pejme pachaems. Me-ama asew jiw, jachi-esal. Chiekal matabijasbej Moisés chajia lelpox. WajDios xatiskalliajwa” —am xamal nakaewaliajwa. 18 Xamal matabijam isliajwam Dios nejxasinkpoxan, matabijam xot Moisés chajia lelpox. Samata, isfulaxaelam pachaempoxan. 19 Xamal nejchaxoelam wut, jum-am: “Xatis chiekal matabijas Dios. Samata, asew jiw naewhajnaxaes, japi matabija-eli Dios. Japi jiw, me-ama itliakla. Me-ama nanhamtibej itkhataxxot, ja-aech japi jiw” —am xamal, nejchaxoelam wut. 20 Xamal nejchaxoelambej: “Xatis xajups asew jiw naewhajnalialjwas, matabija-elpi asax, asew jiwbej, chiekal matabijalialjwapi Dios. Xatis xajups japi jiw naewhajnalialjwas puexa diachwahajnakolaxpox Diosliajwa, matabijas xot Moisés chajia lelpox” —am xamal asbuan jumch, nejchaxoelam wut. 21 Xamal naewhajnam wut asew jiw naexasisliajwa Moisés chajia lelpox, ¿ma-aech xotkat xamal najut chiekal naexasis-emil Moisés chajia lelpox? Asew jiw naewhajnam wut, jum-am: “¡Nabej natkowe' asew jiw pejew!” —am xamal. ¿Pe ma-aech xotkat xamal najut natkowam asew jiw pejew? 22 Asew jiw naewhajnam wut, jum-am: “Xamal, nejwatho'pim, ¡asew watho' nabej bə'moejs!” —am xamal. ¿Pe ma-aech xotkatlax xamal nejwatho' asew watho' naebə'moejtam? Jum-ambej, asew jiw naewhajnam wut: “¡Xanal nejwesla ídolos!” —am xamal. ¿Pe ma-aech xotkatlax xamal lowam ídolos templobachanxot



nosliajwam ommaenkpi, japatemplobachanxoti?  
<sup>23</sup> Asew jiw naewhajnawm wut, jum-ambej: “i Moisés chajia lelpox pachaem!” —am xamal. ¿Pe ma-aech xotkatlax xamal najut chiekal naexasis-emil Moisés chajia lelpox? Xamal babijaxan isfulam xot, asew jiw sitae-el Dios. <sup>24</sup> Dios pejjamechan, chajia lelpox, jum-aech wut, jum-aechox: “Xamal babijaxan isfulam xot, judíos-elpi jum-aech babejjamechan Diosliajwa” —aechox.

<sup>25</sup> Xamal judíos, diachwhajnokolax circuncidam Dios pejmarkaxliajwa. Japox isam matabijaliajwam Dios pejjiwamprox. Circuncidax xamalliajwa xabich pachaem, chiekal naexasitam wut Moisés chajia lelpox. Pe chiekal naexasis-emil wut Moisés chajia lelpox, ja-am wut, nakiowa Diosliajwa, me-ama circuncida-emil wut, ja-amfuk. <sup>26</sup> Judíos-elpi, circuncida-esalpi, japi is wut pachaempoxan, me-ama Moisés chajia lelpox to'as, ja-aech wut, japi jiw Diosliajwa, me-ama circuncidas wut, ja-aechi. <sup>27</sup> Judíos-elpi, circuncida-esalpi, Moisés chajia lelpox naexasit wut, asamatkoi japi jiw Diosxotse tasalaxaeli kastikaliajwas judíos, circuncidaspi, chiekal naexasis-el xoti Moisés chajia lelpox. Judíos asbuan jumch matabija Moisés chajia lelpox. Pe chiekal puexa naexasis-eli. <sup>28</sup> Judíos najum-aech nakaewa: “Xatis Dios pejjiws, judíos xot” —na-aechi nakaewa. Puexa judíosxot Dios pejjiwa-el, japi judíos xot. Circuncidaxtat puexa judíosxot Dios pejjiwa-el. <sup>29</sup> Diachwhajnokolax judíoskolapi, Dios pejjiwpi, kaelel chiekal kofa babijaxan ispoxan. Japibej

Espíritu Santo kajachawaesfulas. Japibej isful pachaempoxan Dios nejchachaemlaliajwas japiliajwa. Japoxan japi is-el asbuan jumch ampathatpijiw nejchachaemlaliajwas japiliajwa.

### 3

<sup>1</sup> Japi judíos wut, ¿ma-aech xotkat kaes pejme xabich pachaem judíosliajwa? ¿Ma-aech xotbejkat kaes pejme xabich pachaem, japi, judíos circuncidas wut? <sup>2</sup> Japi judíos kaes pejme wepachaems pin-ianejchaxoelaxanliajwa. Matxoelanejchaxoelax judíosliajwa wepachaemspox, amproxlape. Dios waelt pejjamechan judíos pejwɥajnapijiwxot. <sup>3</sup> Asew judíosxot naexasis-el Dios pejjamechan. Ja-aech wutkat, ¿Dios isaxil jumdutpox judíosliajwa? <sup>4</sup> ¡E! Puexa jiw kichachajbapijiw wut, Dios nakiowa isaxael puexa jumdutpoxan. Japoxliajwa Dios pejjamechan, chajia lels wut, jum-aechox:

“Dios, puexa xam jum-ampox jiwliajwa, japox diachwɥajnakolax wulxael. Chinax kaen aton jumchiyaxil xamliajwa: ‘Dios jum-aechpox diachwɥajnakolaxa-el’ —chiyaxil kaen aton” —aech Dios pejjamechan, chajia lelsprox, jum-aech wut.

<sup>5</sup> Xatis kaes babijaxan isas wut, jiw pajut kaes matabijaxael, Dioslax is pachaempoxan. Ja-aech wut, jumchiyaxisal: “Dios xatis nakkastikaxil, babijaxan isas wut” —chiyaxisal. Xatis japox jumtis wut, me-ama Dios pejjiwa-esal wut, jachiyaxaes xatis. <sup>6</sup> Samata, jasox jumchiyaxisal, diachwɥajnakolaxa-el xot. Xatis jumtisprox

diachwaaajnakolax wut, ja-aech wut, Dios ampathatpijiw kastikaxil.

<sup>7</sup> Xan xabich jiw kichachajbaxaelen wut, ja-an wut, jiw pajut chiekal matabijaxael, Dioslax kichachajba-el. Samata, Dios xan nakastikaxil, xan xabich jiw kichachajbaxaelen wut. <sup>8</sup> Ja-aech wut, pachaemaxael xan asew jiw jumchiliajwan: “Kaes babijaxan isas wut, xabich pachaemaxael” —chiliajwan, jiw pajut matabijaliajwa, Dios kaes pejme pachaem. Asew jiw jum-aech babej-jamechan xanliajwa: “Pablo jiw naewaaajan wut, to'a kaes babijaxan isliajwa” —aechi. Japi jiw japox jum-aech xot, japi jiw Dios kastikaxaes.

*Chinax kaen aton babijaxan isla-elpox*

<sup>9</sup> ¿Judíoskat kaes pachaem Diosliajwa? ¿Me-ama asew jiw, jachi-elkat? ¡El! Xan chajia jum-an: “Puexa ampathatpijiw, judíos, judíos-elpibej, babijaxan is” —an xan. <sup>10</sup> Dios pejjamechan, chajia lelsbox, jum-aech wut, jum-aechox:

“¡Puexa jiw is babijaxan ampathatat! ¡Chinax kaen aton isla-el babijaxan!

<sup>11</sup> Aton ajilbej, matabijtpon Dios nejchaxoelpoxan. Aton ajilbej, wulwekpon Dios.

<sup>12</sup> Puexa jiw babijaxan is, pejnechaxoelaxantat xabich ataaaj xoti Diosliajwa. ¡Kaen japixot ajil isliajwa pachaempoxan!

<sup>13</sup> Japi jum-aechpox xabich pachaema-el. Samata, tampoela-el asew jiw beliajwas, japi jum-aech wut japox. Kichachajbamaenkbejpi. Japi jum-aechpox asew jiwliajwa, me-ama jombua'nael wut, ja-aech. Samata, japox asew jiw xabich tabejtas.

- 14 Japi jum-aech wut, jum-aechbejpi babej-jamechan, nejwesla xoti asew jiw.
- 15 Chakifolbejpi beliajwa jiw.
- 16 Nejmachtuajnuchanxot pat wutbejpi, japatuajnuchanpijiw bapi. Samata, japi pijaxtat potuajnuchanpijiw xabich nabijat.
- 17 Japi jiw matabija-elbej chiekal duilaliajwa, asew jiw suapich.
- 18 Nejchaxoela-elbejpi sitaeliajwa Dios” —aech Dios pejjamechan, chajia lelspx.

19-20 Xatis chiekal matabijas. Dios pejjamechan waelt judíos naexasisliajwa. Pe judíos chiekal naexasis-el japox. Samata, kaen judíos jumchiyaxil: “Xan bu'wujajanjinil Diosliajwa” —chiyaxilon. Puexa judíos, judíos-elpibej, pajut chiekal matabijaxael japibej pejbu'wujajan Diosliajwa, kaen aton puexa chiekal naexasisaxil xot Dios chajia waeltpx. Dios pejjamechan waelt, xatis babijaxan isas wut wajut nejchaxoelaliajwas: “Diachwujanakolax xatis isas babijaxan” —chiliajwas, nejchaxoels wut.

*Jesús pejwujajan naexasiti, japi Dios bu'weyaxaespx*

21 Amwutjel Dios naktapaei matabijaliajwas chimiawujajan, Jesús pejwujajan. Samata, chiekal matabijas, ma-aech xot Dios xatis nakbeltaen, isas wut babijaxan. Dios xatis majt nakbeltaeel, isas wut babijaxan, Moisés chajia lelpox naexasich xot. Chajiakolaxtat profetas lel Dios isaxaelpx xatis nakbu'welialjwa. 22 Kaenanula nejchaxoels wut: “Diachwujanakolax Jesucristo

tup cruztat xanliajwa” —tis wut wajut, japox nejchaxoels wut, babijaxan isaspoxan ajilaxael Diosliajwa. Asew jiwliajwabej jachiyaxael. Ajilaxael babijaxan, japi ispoxan Diosliajwa, naexasit wuti Jesucristo tuppox cruztat japiliajwa. <sup>23</sup> Puexa jiw babijaxan is. Samata, japi napelt Diosliajwa. <sup>24</sup> Pe ja-aech wut, Dios nakiowa kajachawaet japi jiw malech bu'weliajwa japi babijaxan ispoxanliajwa, naexasit xoti Jesucristo tuppox cruztat japiliajwa. <sup>25</sup> Dios tapaei Jesucristo tupaliajwa cruztat nakwemosliajwa kaenanala xatis babijaxan isaspoxanliajwa. Xatis naexasich wut Jesucristo tuppox babijaxan isaspoxanliajwa, Dios xatis nakbeltaen babijaxan isaspoxanliajwa. Jesucristo tup wut, motbejpon wajwajnapijiw babijaxan ispoxanliajwa. Ja-aech wut, xatis chiekal matabijas Dios mastae-elpox, wajwajnapijiw babijaxan is wut. Dios chajia matabijt Jesucristo tupaxaelpox wajwajnapijiw pejwalela. Samata, wajwajnapijiw majt babijaxan is wut, japi kastika-esal Dios. <sup>26</sup> Wajwajneweton Jesucristo pasliajwa tupaliajwa puexa jiw bu'weliajwapon. Samata, Dios nejxasinka-el kaes jiw babijaxan isliajwa. Babijaxan ispi naexasit wut Jesucristo tuppox bu'weliajwas, ja-aech wut, japibej bu'weyaxaes.

<sup>27</sup> Jesucristo tup jiw bu'weliajwa. Japox japi jiw naexasit wut, Dios beltaenspi babijaxan ispoxanliajwa. Japi pajut ispoxantat Dios bu'we-esal, babijaxan is wut. Samata, japi pajutli-ajwa jumchiyaxil asew jiw sitaeliajwas: “Xan isx pachaempoxan Diosliajwa. Samata, babi-

jaxan isxpoxan ajil Diosliajwa” —chiyaxil jiw.  
<sup>28</sup> Samata, xatis chiekal matabijas. Jesucristo tɔppox cruztat asew jiw naexasit wɔt, ja-aech wɔt, japi babijaxan ispoxan Diosliajwa wejisal. Pe japi babijaxan ispoxan wejila-esal Diosliajwa, naexasit xoti Moisés chajia lelpox. Japi chiekal naexasisaxil japox.

<sup>29</sup> Dios judíoskalliajwa-el. Japon Dios puexa asewliajwabej. <sup>30</sup> Dios kaen. Kaes asan Dios ajil. Judíosliajwa, asew jiwliajwabej, puexa japi Dios chiekal taen. Jiw kaenanɔla naexasit wɔt Jesucristo tɔppox cruztat japiliajwa, ja-aech wɔt, japi babijaxan ispoxan Diosliajwa wejilaxaes. <sup>31</sup> Xatis, Jesús pejwɔajan naexasichpis, Jesucristo tɔp xot cruztat kaenanɔla xatisliajwa, nejchaxoela-esal: “Kofas Moisés chajia lelpox, Jesucristo tɔppox naexasich xot kaenanɔla xatisliajwa” —chi-esal, nejchaxoels wɔt. ¡E! Xatis naexasich wɔt Jesucristo tɔppox, jatis wɔt, naexasichbej Moisés chajia lelpox.

## 4

### *Abraham chiekal naexasitpox Dios jumduwspoxan*

<sup>1</sup> ¿Ma-aech xotkat Abraham, wajwɔajnapijin, babijaxan wejisal Diosliajwa? <sup>2</sup> Abraham pachaempoxan isaxael wɔt babijaxan ispoxan wejilaliajwas, ja-aech wɔt, japon pajut japox jumchiyaxael asew jiw jumtaeliajwas. Pe Dios matabijt. Abraham japox jumchi-el. <sup>3</sup> Dios pejjamechan, chajia lelpox, jum-aech wɔt, jum-aechox: “Abraham naexasit xot

Dios jumdutpox japonliajwa, japon babijaxan ispoxan wejisal Diosliajwa” —aechox. <sup>4</sup> Aton nabist wut asanliajwa, japon moch. Plata malech chaxdus-esal. Chaxduch, nabist xoton. <sup>5</sup> Pelax Dios to'a-el jiw nabichliajwa nabichaxtat mosliajwapi Dios japi babijaxan ispoxanliajwa. Aton jum-aech, nejchaxoel wut: “Dios bu'wia jiw. Samata, diachwajnakolax Dios xan nabu'weyaxael, jumdut xoton jiw bu'welija” —aech wuton, japon aton wejilaxaes babijaxan ispoxanliajwa Diosliajwa. <sup>6</sup> Rey David chajiakolaxtat chapaeipon jiw, japi jiw babijaxan ispoxan wejisalpi Diosliajwa. Japi ja-aech, naexasit xoti Dios chajia jum-aechpoxan. Dios to'a-el japi jiw isliajwa bichaxan, babijaxan ispoxan wejlaliajwas. <sup>7</sup> David chajiakolaxtat jum-aech japi jiwliajwa:

“japi xabich nejchachaemil, Dios beltaens xoti babijaxan ispoxanliajwa, kaelel wepeltas xotbejpi!

<sup>8</sup> jAton nejchachaemil, Dios beltaens wuton babijaxan ispoxanliajwa!” —aech David chajiakolaxtat.

<sup>9</sup> David japox jum-aech wut, jumchi-elon judioskalliajwa. Japon jum-aech asewliajwabej. Xan chajia jum-an. Abraham naexasit, Dios jumduws wut. Samata, Abraham babijaxan ispoxan Diosliajwa wejisal. <sup>10</sup> Abraham babijaxan ispoxan wejisal wut Diosliajwa, jawut Abraham circuncida-esalfuk. Pe nakiowa, Abraham babijaxan ispoxan wejisal Diosliajwa. <sup>11</sup> Abraham babijaxan ispoxan wejisal wut Diosliajwa, do baxael, japon circuncidas. Japox puexa

jiw pajut matabijaliajwa, Abraham babijaxan ispoxan wejisal, Dios xanaboejt xoton. Samata, judíos-elpibej, circuncida-esali, nejchaxoel wut: “Diachwujnakolax Dios isaxael jumdutox” — aech wuti, japibej Diosliajwa, me-ama Abraham paxi wut, jachiyaxaeli. Ja-aech wutbej, japi babijaxan ispoxan wejilaxaes Diosliajwa. <sup>12</sup> Judíos, circuncidaspi, japi Dios xanaboeja wut, me-ama Abraham paxi wut, jachiyaxaeli. Judíosbej nejchaxoel wut, me-ama majt Abraham nejchaxoel wut: “Diachwujnakolax Dios isaxael nakjumdutpox” — aech wuti, japi judíos, me-ama Abraham paxi wut, jachiyaxaeli Diosliajwa.

*Abraham chiekal naexasit xot Dios jumduchpox, japox wejatispon*

<sup>13</sup> Chajiakolaxtat Abraham Dios jumtis: “Xam puexa ampatujn chaxdusaxaelen. Baxael, asamatkoi xam tupam wut, naxi, namojiwbej, chaxdusaxaelen ampatujn” —tis Abraham. Dios japox jumchi-el, Abraham naexasit xot Moisés chajia lelpox. Abraham nejchaxoel xot: “Diachwujnakolax Dios isaxael najumdutpox xanliajwa” — aech xoton, nejchaxoel wut, Dios japox jum-aech Abrahamliajwa. Abraham Dios jumtispor xanaboejsful xot, babijaxan ispoxan wejisalpon Diosliajwa. <sup>14</sup> Dios chajia jumchiyaxael wut chaxdusliajwa japatujn naexasitpikal Moisés chajia lelpox, ja-aech wut, Dios chaxdusaxil japatujn Abraham pamojiw, chiekal naexasis-el xoti puexa Moisés chajia lelpox. Jachiyaxael wut, japi Dios xanaboejapoxliajwa asban jumch masox



namaeyaxaeli. Dios jumdutpox japatuajnu chaxdusliajwas, japoxbej jachiyaxael japiliajwa. <sup>15</sup> Puexa jiw, naexasis-elpi Moisés chajia lelpox, japi Dios kastikaxaes. Moisés chajia lelpox ajil wut, jiw babijaxan is wut, ja-aech wut, bu'wujanjilaxaeli. Samata, Dios kastikaxisal japi jiw.

<sup>16</sup> Abraham chiekal xanaboejt Dios. Samata, Dios jumduch chaxdusliajwas malech japatuajnu, paxiliajwa, pamojiwliajwabej. Dios japox jum-aech wut Abrahamliajwa, japox judiosliajwa, asew jiwliajwabej, japi jiw Dios xanaboejaxaelpi japi kajachawaesliajwas Dios, me-ama Abraham xanaboejt Dios, jachiliajwa japi jiw. Samata, puexa xatis Dios xanaboejaxaes. Jatis wut, Diosliajwa xatis, me-ama Abraham pamojiw wut, jachiyaxaes. <sup>17</sup> Dios pejjamechan, chajia lelpox, jum-aech, Dios jum-aech wut Abrahamliajwa: “Xam naexasitam xan jumdutpox. Samata, asew jiwbej naexasisaxael xan jum-anpox. Ja-aech wut, japi, me-ama naxi wut, jachiyaxael japi jiw. Xabich pin-iamutan wuxaeli” —aech Dios Abrahamliajwa. Abraham nejchaxoel: “Dios xajur tɛpi mat-elialjwa pejme duilaliajwa. Dios xajurpej to'aliajwa, majt ajil wut nejmach isliajwa” —aech Abraham, nejchaxoel wut Diosliajwa.

<sup>18</sup> Puexa jiw chiekal matabija Abraham pijow naxuwaxilpox. Pe nakiowa, Abraham xanaboejsful xot Dios chajia jumtisporaxulanliajwa, nejchaxoelafulon: “Dios nachaxdusaxael najumdutpox” —aech Abraham, nejchaxoel wut. Samata, Abraham pijow moejow. Do jawux, naxuwalow. Faenow poich. Do,

xabich baxael, xabichbejpon pamojiw. Ja-aech japox, Abraham chiekal xanaboejsful wut Dios jumtispor. <sup>19</sup> Nalaels-el wutfuk paxulan, Abraham xabich pati'in. Kaewaechan sapich, wewe'pas cien waechanliajwapon. Abraham pijow, Sara, naxwaxil, pati'ow xot. Pe nakiowa, Abraham xanaboejsful Dios jumtispor. <sup>20</sup> Nejchaxoel wut, nejchaxoela-elon: "Dios najum-aechpor diachwajnakolaxa-el" —chi-elon, nejchaxoel wut. Abraham xanaboejsful Dios chajia jumtispor. Samata, jum-aechon Dios jumtaeliajwas: "Xam xabich pachaemam" —aechon Diosliajwa. <sup>21</sup> Abraham nejchaxoel: "Diachwajnakolax Dios xajup nawe-isliajwa najum-aechpor" —aechon, nejchaxoel wut. <sup>22</sup> Samata, Abraham babijaxan isporan Diosliajwa wejisal.

<sup>23</sup> Japawajan lela-esal xatis jumchiliajwas Abrahamliajwa: "Japon Abraham xabich pachaem, Dios xanaboejsful xot" —chiliajwas. <sup>24</sup> Japawajan lelsbej xatis wachakalpijwas matabijaliajwas Dios nakkajachawaesaxaelpor. Me-ama Abraham Dios kajachawaech, jachiyaxaelbej xatisliajwa, Dios nakkajachawaet wut. Ja-aech wut, xatis babijaxan isporan ajilaxael Diosliajwa, xanaboejas wut Dios, japon mat-etpon wajpaklon Jesucristo pejme dukaliajwa. <sup>25</sup> Jesús tup nakwemosliajwa xatis babijaxan isporanliajwa. Japon tuppor tres matkoi wut, mat-echpon pejme dukaliajwa. Japon tup xot xatisliajwa, babijaxan isporan chiekal nakwe-ajil Diosliajwa.

## 5

*Xatis bu'wɥajanjisałpox Diosliajwa*

<sup>1</sup> Xatis kaenanɥla chiekal bu'wɥajanjisał Diosliajwa. Xatis jatis, naexasich xot wajpaklon Jesucristo tɥppox xatisliajwa. Samata, amwɥtel Jesús pijaxtat xatis pachaems Diosliajwa. <sup>2</sup> Dios nakbeltaen xatis babijaxan isaspoخانliajwa, xatis naexasich xot wajpaklon Jesucristo tɥppox cruztat xatisliajwa. Xatis chiekal matabijas asamatkoi pomatkoicha duilaxaesłpox Diosxotse. Samata, xabich nejchachaemlas. <sup>3</sup> Xatis xabich nabijatas wɥtbej, nejchachaemlas, xajɥpaxaes xot kaes boejtaliasliajwas. <sup>4</sup> Boejtaliach wɥt nabijatasłpox, Dios nejchachaemlaxael xatisliajwa. Ja-aech wɥt, asamatkoi Dios nakchaxduiyaxael pachaemłpox. <sup>5</sup> Dios to'a Espírítu Santo wajmatpɥatanxotaliajwa. Ja-aech wɥt, Espírítu Santo nakkajachawaet matabijaliajwas Dios xabich naknejxasinkłpox. Samata, xatis wɥajnawesfulas asamatkoi Dios nakchaxdusaxaelłpox, xabich pachaemłpox.

<sup>6</sup> Majt xatis chajia babijaxan isas wɥt, xatis wajut weyaxisal. Samata, Cristo tɥp xatisliajwa. Me-ama Dios chajiakolaxtat nejchaxoel japon tɥpaliajwa, japox ja-aechlısox xatisliajwa. <sup>7</sup> Aton asatɥajnɥpijin boesaxaes wɥton asew jiw, kaen xatisxot jɥmchiyaxil: “jJapon aton xamal nabej boese'! jXanlax naboessim!” —chiyaxilon. Pe boesaxaesłpon xabich pachaem wɥt, kaen xatisxot bej jɥmchiyaxaelbej: “jAmpon aton nabej boese', xabich pachaem xoton! jXanlax naboessim!” —bej chiyaxaelbejpon. <sup>8</sup> Pe xatis isas

wut babijaxan, Dios nakiowa nakkajachawaet. Dios to'ak paxulan tɔpaliajwa kaenanɔla xatis nakbɔ'weliajwa. Ja-aech wut, chiekal matabijas Dios xabich naknejxasinkpox. <sup>9</sup> Jesucristo tɔp nakbɔ'weliajwa. Samata, amwɔtjel pachaems Diosliajwa. Samatabej, nakkastikaxilon. <sup>10</sup> Majt xatis Dios padaelmajiws, isfulas xot babijaxan. Pe amwɔtjel, Dios paxulan tɔp xot cruztat, Dios nakbeltaen xatis babijaxan isaspoxanliajwa, chiekal pachaemaliajwas japonliajwa. Samata, amwɔtjel chiekal matabijas japon nakbɔ'weyaxaelpox. <sup>11</sup> Diachwɔajnokolax xatis nejchachaemlas, Dios nakbɔ'weyaxael xot. Chiekal nejchachaemlasbej, pachaems xot Diosliajwa wajpaklon Jesucristo pijaxtat.

### *Amxot jɔm-aechpox Adánliajwa, Jesucristoliajwabej*

<sup>12</sup> Adán matxoela is babijax. Jawɔtbej, tɔadut patɔpax. Do baxael, puexa ampathatpijiwbej babijaxan is. Do jawɔx, patɔpax xajɔp puexa jiwliajwa, japi jiwbej babijaxan is xot. <sup>13</sup> Moisés chajia lelpo ajil wɔtɔk, jawɔt ampathatpijiw babijaxan is. Pe nakiowa, Dios kastika-el, ajil xotɔk Dios fiatpox jiw babijaxan isasamata. <sup>14</sup> Adán laeja wut, hasta Moisés laeja wutbej, jiw babijaxan isful wut, japi jiw Dios kastika-esalɔk. Japi jiw babijaxan isful wut, Dios fias-el japi jiw babijaxan is-elaliajwa. Me-ama Adán fiach, jachi-esal japi jiw. Ja-aech wut, japi jiw nakiowa tɔp kaen Adán pijaxtat, puexa jiw babijaxan isful xot. Pe baxael, Cristo pat wut, is pachaempox puexa jiwliajwa.

<sup>15</sup> Adán is pachaema-elpox. Japox najupa-el, Dios malech nakwe-ispox s̄apich, Jesucristo pijaxtat. Kaen Adán babijax is xot, puexa jiw t̄ap. Dios nakwe-ispox Jesucristo pijaxtat, japox xabich pachaem puexa nejmachjiwliajwa, pomatkoicha duilaliajwapi Diosxotse. <sup>16</sup> Adán matxoela is babijax. Do baxael, puexa jiw babijaxan isf̄ul. Samata, japi jiw pejb̄u'w̄hajan Diosliajwa. Baxael, japi jiw Dios beltaens babijaxan ispoxanliajwa Jesucristo pijaxtat. Ja-aech w̄ut, japi babijaxan ispoxan wej̄isal Diosliajwa. <sup>17</sup> Puexa jiw kaenan̄ula t̄apaf̄ul, Adán chajiakolaxtat babijax is xot. Japibej t̄ap, pajut babijaxan is xot. Do baxael, Jesucristo t̄ap w̄ut, Dios nakbeltaen kaenan̄ula xatis babijaxan isaspoxanliajwa. Ja-aech w̄ut, xatis babijaxan isaspoxan ajil Diosliajwa. Samata, Dios chiekal xanaboejas xot, Dios nakkajachawaet chiekal duilaliajwas.

<sup>18</sup> Puexa jiw, ampathatpijiw pejb̄u'w̄hajan Diosliajwa, Adán matxoela is xot babijax. Jesucristolax is pachaempox, japi jiw bu'w̄hajanjilaliajwa Diosliajwa. Samata, Dios tapaeyaxaes duilaliajwa pomatkoicha japonxotse. <sup>19</sup> Adán naexasis-el, Dios to'as w̄ut. Samata, ampamatkoiyan xabich jiw babijaxan is. Pelax Jesucristo naexasit Dios to'aspox. Samata, Jesucristo pijaxtat xabich jiw babijaxan ispoxan ampamatkoiyantat wej̄isal Diosliajwa.

<sup>20</sup> Xabich chajiakolaxtat Dios waelt pejjamechan Moiséstat. Moisés japox chajia lel jiw fiasliajwa babijaxan isasamata. Pe nakiowa, japi jiw babijaxan is. Japi matabija Moisés chajia lelpox. Pajut matabijabejpi, is

wut babijaxan. Majt japoxan pajut matabija-el. Jiw kaes xabich babijaxan isful wut, nakiowa beltaeflaspi Dios babijaxan isfulpoxanliajwa. Kaes kajachawaetbejpon asamatkoi japi jiw kofaliajwa babijaxan ispoxan. <sup>21</sup> Puexa xatis babijaxan isas. Samata, tɔpaxaes. Wajpaklon Jesucristo tɔp xot xatisliajwa, Dios nakbeltaen babijaxan isaspoxanliajwa. Samata, babijaxan isaspoxan ajil Diosliajwa. Naktapaeyaxaelbejpon duilaliajwas pomatkoicha japonxotse.

## 6

### *Jesucristo pejwɔajan naexasiti kaes babijaxan isaxilpox*

<sup>1</sup> Asew jiw nejchaxoel wut, bej nejchaxoelaxaelbej chiekal matabija-elaxtat: “Dios naknejxasink xot, nakbeltaen xatis babijaxan isaspoxanliajwa. Samata, kaes pejme isaxaes babijaxan. Jatis wut, Dios kaes pejme nakbeltaeyaxael babijaxan isaspoxanliajwa” —chiyaxaelbej japi jiw, nejchaxoel wut. <sup>2</sup> ¡Xatis kaes babijaxan nabej istis! Tɔpon kaes babijax isaxil, tɔp xotlison. Xatisbej jachiyaxaes babijaxanliajwa. <sup>3</sup> Xamal chiekal matabijam. Xatis nakbautisa wut, Jesucristo pejjiws. Samata, xatis kaenanula wajut chiekal nejchaxoelaxaes: “Jesucristo kimatamatlas wut cruztat, xatisbej Diosliajwa, me-ama cruztat tɔps wut, japon sɔapich, jatis” —chiyaxaes, nejchaxoels wut. <sup>4</sup> Cristo tɔp wut, mɔthtas. Xatisbej nakbautisa wut, me-ama, Jesucristo sɔapich, nakmɔtha wut, jatis xatis, kofas xot babijaxan isaspoxan. Jesús tɔp wut, pax Dios mat-echpon

pejme dukaliajwa. Amwutjel, xatisbej, me-ama Dios nakmat-iapis wut, jatis pejme duilaliajwas pajelnejchaxoelaxantat.

<sup>5</sup> Jesucristo tɔp wut cruztat, jawut xatis, me-ama kaebu'tas wut, jatis, japon sɔapich. Do jawux, Jesucristo mat-ech wut pejme dukaliajwa, jawut xatisbej, me-ama nakmat-ia wut, jatis xatis chiekal pejme duilaliajwas, isliajwasbej Dios nejxasinkpoxan. <sup>6</sup> Xatis matabijasbej. Jesús tɔp wut cruztat, jawutbej wajpadujnejchaxoelaxan, me-ama nakwematamatal wut cruztat, Jesús sɔapich, ja-aechox. Samata, babijaxan isasi-spoxan amwutjel Dios chiekal nakwetoet. Kaes babijaxan isaxisal. <sup>7</sup> Aton tɔp wut, kaes babijaxan isaxillison. Xatisbej jachiyaxaes. Kaes babijax isaxisal. <sup>8</sup> Xatis, Jesucristo sɔapich, me-ama tɔps wut, jatis xot, chiekal xanaboejas asamatkoi duilaxaespox Diosxotse, Jesucristo sɔapich. <sup>9</sup> Xatis matabijasbej. Jesucristo tɔp wut, mat-echpon pejme dukaliajwa. Amwutjel kaes tɔpaxillison. Pomatkoicha dukafɔlaxaelon. <sup>10</sup> Jesucristo kaetɔpaxtat jiw bu'wiapon. Amwutjel dukafɔl wut, isfɔl Dios nejxasinkpoxan. <sup>11</sup> Samata, xamalbej kaenanɔla nejchaxoelam wut, jchiekal nejchaxoelde: “Xan nejxasinkaxpoxan isliajwan, babijaxan, amwutjel japoxanliajwa, xan, me-ama tɔpx wut, ja-an. Samata, kaes babijaxan isaxinil. Isfɔlaxaelenlax Dios nejxasinkpoxan, nabis-tax xot Jesucristoliajwa” —amde, nejchaxoelam wut!

<sup>12</sup> Samata, jasew watho' nabej babijne' bu'moejsliajwam najut isasiampoxan isliajwam!

<sup>13</sup> Xamal majt, me-ama patɔpawam wut, ja-am

Diosliajwa. Pe amwutjel, xamal, me-ama Dios mat-iapi wut, ja-am pejme duilaliajwam. Samata, xamal, najut nabej nawoeye' babijaxanxot isfulaliajwam japoxan! xamallax najut nawoeyam Diosxot isfulaliajwam pachaempoxan! <sup>14</sup> Xamal chiekal matabijaxaelam isasamatam babijaxan, najut isasiampoxan. Moisés chajia lelpox, kaes xamal tato'lafula-el. Pe amwutjel, Dios pajut chiekal xamal tato'laful. Dios kajachawaesfulbej xamal.

*Jesús pejuajan naexasiti, me-ama esclavos wut, ja-aechi, isfulxot pachaempoxan*

<sup>15</sup> Dios nakbeltaen xot xatis babijaxan isaspoxanliajwa, amwutjel Moisés chajia lelpox kaes naktato'la-el. Ja-aech wut, xpachaemkat xatis jumchiliajwas: “jBabijaxan isaxaes, isasiaspoxan!” —chiliajwas? jEl! jXatis kaes nabej nejchaxoelatis babijaxan isliajwas! <sup>16</sup> Xamal chiekal matabijam. Xatis asew pej-esclavos wut, wajpaklon naktato'alpoxan chiekal naexasisfulaxaes. Jachiyaxaesbej, babijaxanxot nawoeyas wut isfulaliajwas babijaxan. Asamatkoi, tups wut, diachwajnakolax napelsaxaesbej Diosliajwa. Dios naexasich wutlax, chiekal duilafulaxaes Diosliajwa. <sup>17</sup> Xamal majt babijaxan isam, najut isasiampoxan. Amwutjellax chiekal naexasitam Dios pejjamechan, asew, naexasiti Jesús pejuajan, xamal naewajanpox. Samata, Dios kawajnaj wut, gracias-an xamal Roma paklowaxpijwamliajwa, Dios xabich xamal kajachawaet xot. <sup>18</sup> Dios xamal kajachawaet babijaxan isampoxan



kofaliajwam, majt isampoxan. Samata, amwutjel isam pachaempoxan, Dios nejxasinkpoxan. <sup>19</sup> Xamal xajupa-emil Dios pejjamechan, xabich tampoelpoxan, matabijaliajwam. Samata, chiekal naewhajnax matabijaliajwam. Xamal majt asew watho' bu'moejtam, nijwa-elpi. Asaxan babijaxan isambej. ¡Amwutjellax najut chiekal nawoeyam Diosxot isliajwam pachaempoxan, Dios nejchachaemlaliajwa xamalliajwa!

<sup>20</sup> Majt xamal xabich babijaxan isam wut, is-emil pachaempoxan, Dios nejxasinkpoxan.

<sup>21</sup> Majt xamal babijaxan isampoxan, amwutjel japoxanliajwa xamal xabich nadala, pachaema-el xot japoxan. Jiw nakiowa babijaxan is. Pe japi napelsaxael pomatkoicha Diosliajwa. <sup>22</sup> Amwutjel Dios kajachawaet xot, xamal kofam majt babijaxan isfulampoxan. Samata, xamal najut nawoeyam Diosxot japon tanbichfulaliajwam. Japox pachaem xamalliajwa, chiekal duilam xot, me-ama Dios nejxasink. Baxael, asamatkoi tɔpam wut, duilaxaelam Diosxotse pomatkoicha.

<sup>23</sup> Jiw babijaxan is wut, mosaxaes pejpatɔpaxtat. Napelsaxaelbejpi Diosliajwa. Pelax xatis Dios pejjiws, Jesús pejwajjan naexasichpis, Dios naktapaeyaxael Diosxotse pomatkoicha duilaliajwas, wajpaklon Jesucristo sɔapich.

## 7

*Amxot jɔm-aechpox nakjiyaxliajwa, Moisés chajia lelpoxliajwabej*

<sup>1</sup> Takoew, xamal matabijam Moisés chajia lelpox. Samata, matabijambej, jiw tato'las

Moisés chajia lelpox naexasisliajwa, laelp wꝛti ampathatat. Pe japi tꝛp wꝛt, wewe'pa-esal Moisés chajia lelpox. <sup>2</sup> Jachiyaxaelbej pawis, pamalpow. Japow fo'axil pamal, asan aton fisliajwa. Pe pamal tꝛp wꝛt, ja-aech wꝛt, Moisés chajia lelpox tapaei japow asan aton fisliajwa. <sup>3</sup> Japow pamal naetꝛpa-esal wꝛt, asan aton naebꝛmoejt wꝛtow pamal, japow pawis babijax isaxael Diosliajwa. Japow pamal tꝛp wꝛt, ja-aech wꝛtlax, japow tapaeis fisliajwa asan aton pamalliajwapow. Fit wꝛtow asan aton, japox chaemilaxil Diosliajwa.

<sup>4</sup> Takoew, pawis pamalpow, japow naexasit pamal tato'laspoxan. Xamalbej majt ja-am, naexasitam wꝛt Moisés chajia lelpox. Pe Jesucristo tꝛp wꝛt cruztat, jawꝛtbej xatis, me-ama, Cristo sꝛapich, tꝛps wꝛt cruztat, jatis. Jatis wꝛt, Moisés chajia lelpox, me-ama toep wꝛt, ja-aech xatisliajwa kaes naexasisasamatas. Samata, japox kaes naexasisaxisal. Amwꝛtjel xamal Jesucristo pejjiwam, japon tꝛp wꝛt, mat-ech pejme dukaliajwa. Samatabej, isfulam Dios pijax bichax. <sup>5</sup> Majt xatis Jesús pejwꝛajan naexasis-esal wꝛt, wajut babijaxan isiasiaspoxan isas. Jawꝛtbej Moisés chajia lelpox japoxan naktapae-el. Pe xatis japox jꝛmtaens wꝛt, kaes asbꝛan jꝛmch namaekchas babijaxan isliajwas. Samata, ampathatat laelpas wꝛt, diachwꝛajnakolax chiekal napelslapas Diosliajwa. <sup>6</sup> Pelax amwꝛtjel, Cristo sꝛapich, me-ama tꝛps wꝛt, jatis xot, kaes naexasisaxisal Moisés chajia lelpox. Duils Dios tanbichliajwas. Espíritu Santo nakkajachawaet xot, nejchaxoels pajelnejchaxoelaxan Dios tanbichliajwas. Samata, japabichax isas wꝛt, nejchaxoela-esal Moisés cha-

jia lelpox naexasisliajwas.

*Amxot jum-aechpox Moisés chajia lelpoxliajwa, puexa jiw babijaxan ispoxanliajwabej*

<sup>7</sup> Asew jiw nejchaxoel wut, bej jumchiyaxaelbejpi ampox: “Moisés chajia lelpox pachaema-el” —bej aechbejpi, nejchaxoel wut. Ajil wut Moisés chajia lelpox, ja-aech wut, jiw matabijaxil pachaema-elpoxan isasamata. Moisés chajia lelpox jum-aech: “Xam taenam wut asan pijax, jnabej nejchaxoele' xam nijaxliajwa!” —aechox. Japox ajil wut, xan matabijsaxinil pachaema-elpox, nejxasinkax wut asan pijax xan tajaxliajwa. <sup>8</sup> Xan matabijtax Moisés chajia lelpox. Nafiat is-elaliajwan babijaxan. Do jawut, xan kaes asbuan jumch namaekchax babijaxan isliajwan. Nafiatpoxan naexasis-enil. Samata, xabich nejchaxoelx isliajwan japoxan. Ajil wut Moisés chajia lelpox, xan nejxasinkaxinil japoxan, babijaxan, isliajwan. <sup>9</sup> Moisés chajia lelpox matabijs-enil wutfuk, xan nejchaxoelx: “Xan kaes pejme pachaeman” —an, nejchaxoelx wut. Do jawux, tajut chiekal matabijtax Moisés chajia lelpox. Jawutbej tajut chiekal matabijtax chiekal naexasis-enilpox Moisés chajia lelpox. Samata, matabijtax Dios nakastikaxaelpox, xan nakiowa isx xotfuk babijaxan. <sup>10</sup> Dios waelt Moisés chajia lelpox xan naexasisliajwan, chiekal dukaliajwanbej. Xan chiekal naexasis-enil xot Moisés chajia lelpox, xan tajut matabijtax nafa'axaelenpox Diosliajwa, babijaxan isx xot. <sup>11</sup> Do jawut, chiekal nejchaxoelx: “Xan naexasisaxaelen Moisés chajia

lelpoX chiekal dukaliajwan” —an, nejchaxoelx wut. Xan nejxasinka-enil isliajwan Dios natapae-elpoX. Pe ja-an wut, xan nakiowa asbuan jumch namaekchax babijax isliajwan. Samata, Moisés chajia lelpoX chiekal naexasis-enil xot, nafa'ax Diosliajwa.

<sup>12</sup> Moisés chajia lelpoX tato'alpoxan, fiatpox-anbej, pachaem jiw naexasisliajwa. <sup>13</sup> Asew jiw nejchaxoel wut, bej nejchaxoelaxaelbejpi: “Moisés chajia lelpoX chiekal pachaema-el. Japox naexasis-esal wut, Dios xatis nakkastikaxael” —bej chiyaxaelbejpi, nejchaxoel wut. ¡El! Japox chaemila-el. Xatis wajut babijaxan isas xot, Dios nakkastikaxael. Dios japox chajia waelt tato'laxan Moiséstat xatis wajut matabijaliajwas, babijaxan isas wut.

<sup>14</sup> Xatis matabijas. Moisés chajia lelpoX Dios chajia waelt ampathatat chiekal xatis laelpaliajwas. Pe nakiowa, chiekal puexa naexasis-esal Moisés chajia lelpoX. Asbuan jumch kaes namaekchas isliajwas babijaxan.

<sup>15</sup> Xan isasian pachaempoxan. Pe nakiowa, japoxan is-enil. Asax nejxasinka-enilpoX isliajwan, japoxlax isx. Ja-an wut, baxael tajut chiekal nejchaxoelx: “Ma-aech xot xan japox isx” —an, tajut nejchaxoelx wut. <sup>16</sup> Isx wut nejxasinka-enilpoX, xan xabich nanejxaejow, japox isx wut. Samata, xan tajut matabijtax.

Moisés chajia lelpoX pachaem, nakfiat xot babijax isasamatas. <sup>17</sup> Baxael, tajut chiekal nejchaxoelx: “Xan babijaxan isxpoxan tajut is-enil. Tajnejchaxoelax nato'a xan babijaxan isliajwan” —an, nejchaxoelx wut. <sup>18</sup> Xan tajut

matabijtax tajnejchaxoelax, xabich pachaema-elpox. Xan nejxasinkax isliajwan pachaempoxan. Pe nakiowa, japoxan isaxinil. <sup>19</sup> Samata, xan is-enil nejxasinkaxpoxan. Isxlax nejxasinka-enilpoxan. <sup>20</sup> Tajut nejchaxoelx wut, jum-an: “Japoxan xan tajut is-enil. Tajnejchaxoelax, pachaema-elpox, nato'a isliajwan babijaxan” —an, nejchaxoelx wut.

<sup>21</sup> Xan tajut matabijtax. Pachaempox isasian wut, jumch isx babijax. <sup>22</sup> Nejxasinkax naexasisliajwan Moisés chajia lelpox. <sup>23</sup> Pe nakiowa, tajbabejnechaxoelax natapae-el chiekal nejchaxoelaliajwan. Samata, isx babijaxan.

<sup>24</sup> ¡Xan xabich nabijatax! ¡Babijaxan isx xot, bej nafo'axaelenbej pomatkoicha Diosliajwa! ¿Achankat xan nakajachawaesaxael nabu'welijaw nafo'a-elaliajwan Diosliajwa? <sup>25</sup> Kaen Dios xan nabu'weyaxael nejchaxoelasamatan babijaxan. Samata, Dios kawuajnax wut, gracias-an Diosliajwa, nakajachawaet xoton. Dios to'a wajpaklon Jesucristo xatis nakkajachawaesliajwa. Samata, naexasis-enil tajnejchaxoelax. Xan matabijtax naexasisaxaelenpox Moisés chajia lelpox. Pe nakiowa, tajnejchaxoelax nato'a babijaxan isliajwan.

## 8

*Chiekal duilpox, Jesús pejwuajan naexasiti, kachawaesfulas xoti, Espíritu Santo*

<sup>1-2</sup> Xatis majt napeltas Diosliajwa. Pe amwutjel, naexasich xot Jesús pejwuajan, Dios

nakkastikaxil. Espíritu Santo nakkajachawaet xot, chiekal duils Diosliajwa. Jesús tɔp wɔt cruztat, Dios nakbeltaen babijaxan isaspoxanliajwa. Xatis kaes is-esal isasiaspoxan, pachaema-elpoxan. <sup>3</sup> Xatis chiekal naexasis-esal puexa Moisés chajia lelpox. Samata, xatis wajut weyaxisal babijaxan isaspoxantat. Pe nakiowa, Dios nakbu'weliajwa to'a paxalan nalaelsliajwa ampathatat. Japon pejbu't, me-ama xatis wajbu'an wɔt, ja-aech. Do baxael, japon tɔp wɔt cruztat, nakwemot xatis babijaxan isaspoxanliajwa. Ja-aech wɔt, Dios toet babijaxan xatis isaspoxan. <sup>4</sup> Dios japox is xatis isliajwas pachaempoxan, me-ama Moisés chajia lelpox jum-aech. Wajnejchaxoelaxan, babijaxan, nakto'a isliajwas pachaema-elpoxan. Amwɔtjel japoxan is-esal. Isas Espíritu Santo nakto'apoxan.

<sup>5</sup> Nejchaxoelaxan, babijaxan, jiw to'as isliajwa babijaxan. Pelax Espíritu Santo tato'laspi, japi nejchaxoel isliajwa Espíritu Santo nejxasinkpoxan.

<sup>6</sup> Jiw nejchaxoelpi wewe'paspoxankal pajutliajwa, japi jiw napelsaxael Diosliajwa. Japibej Dios kastikaxaes. Asewlax, nejchaxoelpi Espíritu Santo nejxasinkpoxankal, japi jiw chiekal duilaxael, asew jiw sɔapich. Asamatkoi japi jiw duilaxaelbej Diosxotse. <sup>7</sup> Jiw, nejchaxoelpi babijaxan isaxan, japi Dios padaelmajiw. Japoxan nejchaxoel xoti, nejweslapi naexasisliajwa Moisés chajia lelpox. Japi japox naexasisaxilbej. <sup>8</sup> Samata, jiw babijaxan is, pajut nejxasinkpoxan. Is-el Dios nejxasinkpoxan.

<sup>9</sup> Amwɔtjel Espíritu Santo diachwɔajnakolax xamal nejmatpɔatanxot duk xot, isfulam Espíritu Santo nejxasinkpoxan. Is-emil majt najut

isfulampoxan, nejxasinkampoxan isliajwam. Jiw pejmatpɣatanxot Espírítu Santo duka-el wɣt, japi jiw Cristo pejjiwa-el. <sup>10</sup> Xamal Jesucristo pejjiwam xot, pomatkoicha duilaxaelam Diosxotse, babijaxan isampoxan ajil xot Diosliajwa. Pefuk xamal ampabɣ'tam xot, majt tɣpaxaelam, isam xot babijaxan. <sup>11</sup> Jesús tɣp wɣt, Dios mat-echpon pejme dukaliajwa. Samata, xamalbej asamatkoi tɣpam wɣt, Dios mat-eyaxael pejme duilaliajwam, Espírítu Santo duk xot nejmatpɣatanxot.

<sup>12</sup> Takoew, isaxaes Dios nejxasinkpoxan. Isaxisal wajut nejxasinkaspojan, babijaxan. <sup>13</sup> Isam wɣt babijaxan, najut nejxasinkampoxan, asamatkoi tɣpam wɣt, xamal napelsaxaelam Diosliajwa. Babijaxan isampoxan kofam wɣt, Espírítu Santo xamal kajachawaet xot, ja-am wɣt, xamal duilaxaelam pomatkoicha Diosxotse.

<sup>14</sup> Espírítu Santo jum-aechpoxan ispi, japi jiwlap Dios paxi. <sup>15</sup> Amwɣtjel Espírítu Santo nakkajachawaet. Dios to'a wɣt Espírítu Santo xatisxotaliajwa, to'a-elon xatis wajlewlaliajwa Dios nakkastikaxaelpoxliajwa. Diachwɣajnakolax xatis Dios paxis. Samata, Espírítu Santo nakkajachawaet xatis jumchiliajwas Dios: “¡Taj-ax Dios!” —chiliajwas. <sup>16</sup> Espírítu Santo nakkajachawaet xot, xatis chiekal matabijas Dios paxispi. <sup>17</sup> Xatis Dios paxis xot, asamatkoi Dios nakkajachawaesaxael, japon nakjumdut xot. Jawɣt xatis, Jesucristo sɣapich, jiw tato'laxaes Diosxotse. Jesucristo majt nabijat, asew jiw babijax is wɣt japonliajwa. Xatis nabijatas wɣtbej, Jesús pejwɣajan naexasich

xot, asamatkoi Diosxotse duilaxaes, Dios pej-itliakaxxotse.

*Nejchachaemilpox naexasiti Jesús pejuwajaj*

<sup>18</sup> Xatis nabijatas ampathatat. Xan japox nabijasaxliajwa nejchaxoela-enil. Pelax xan nejchaxoelx asamatkoi nakwepachaemaxaelpoxliajwa, Jesucristo pejme pask wut. <sup>19</sup> Dios ispi ampathatat, japi xabich piach wujawnawet Dios jumchiyaxaelpox jumtaeliajwapi: “Ampi jiw, taxi” —chiyaxaelpox xatisliajwa. <sup>20</sup> Xabich chajiakolaxtat, Dios ampathat is wut, do baxael, Adán babijax is wut, Dios jum-aech kastikaxaelpox ampathatliajwa. Samata, asamatkoi, Dios markpox, matkoi, pat wut, Dios ampathat toesaxael pajelthat xaliaxsliajwa. <sup>21</sup> Dios pajelthat xaliast wut, puexa Dios ispoxan pejme pachaemaxael. Jawut ajilaxael patupax. Ajilaxaelbej xoepax. Japoxan jachiyaxael, Dios chaxduiyaxael wut paxiliajwa pachaempoxan. <sup>22</sup> Xatis matabijas, puexa nejmach, ampathatpijiw, nabijat. Me-ama kaeow pawis boejpuns wut yamxuch nalaelsliajwa, ja-aech japox. <sup>23</sup> Xatis nabijatasbej. Matabijas Espíritu Santo wajmatpumatxotpox. Samata, asamatkoi Dios kaenanula nakchaxduiyaxael pajelbu't, xatis Dios paxis xot. Jatis wut, kaes tuppaxisal. Japamatkoitat xatisliajwa Dios nakjumchiyaxael: “Ampi taxi” —chiyaxaelon. <sup>24</sup> Xatis chiekal naexasich Jesucristo tuppox xatisliajwa. Samata, matabijas Dios nakbu'xaliaxaxaelpox pajelbu'taliajwas. Japox xatis wujawnawech.



Xatis ma amwut, pajelbu'tas wut, ja-aech wut, nakwewe'paxil wujnawesliajwas pajelbu't, nakbu'xaliaxaxaelpox. <sup>25</sup> Tae-esal xotfuk wujnawechpox, nakiowa wujnawesfulaxaes.

<sup>26</sup> Espíritu Santo nakkajachawaesful, wajxanaboejaxan chiekal mamnika-el xot Diosliajwa, chiekal matabija-esal xotbej Dios kawujnaliajwas. Samata, Espíritu Santo Dios nakwekawujnaful xatiliajwa. <sup>27</sup> Dios matabijt xatis nejchaxoelspoxan. Samata, Espíritu Santo Dios kawujan wut xatiliajwa, matabijton, Espíritu Santo nakwekawujan xot, me-ama Dios nejxasink.

*Nejchachaemlaxaelpox Jesús pejwujan naexasiti, wepach wut pachaema-elpoxan*

<sup>28</sup> Xatis, Dios nejxasinkaspis, chiekal matabijas amprox. Naktapat wut pachaema-elpoxan, o, pachaempoxanbej, ja-aech wut, japoxan pachaemaxael xatiliajwa. Dios chajia nejchaxoel xatiliajwa asamatkoi jachiyaxaelpox. <sup>29</sup> Dios chajia matabijt xatis naexasisaxaesepox Jesús pejwujan. Dios chajia nejchaxoelbej xatis, japon paxi wut, jachiliajwas. Samata, Jesucristo, me-ama wajkoewan, matxoelapijin, ja-aechon. Xatis, me-ama wachakalpijwas wut, jatis. <sup>30</sup> Me-ama Dios chajia nejchaxoel asamatkoi xatis japon paxiliajwas, jasoxtat Dios nakmakanot japon pejiwaliajwas. Samata, xatis, Jesús pejwujan naexasich wut, pachaems Diosliajwa, majt babijaxan isaspoxan ajil xot Diosliajwa. Samata, asamatkoi, xatis jiw tato'laxaes, Jesucristo sapich.

<sup>31</sup> Jatis wut, ¿achaxkat kaes xatis jumchiyaxaes? Dios xatis nakkajachawaet wut, ¡chinax kaen aton nakmalechaxil xatisliajwa! <sup>32</sup> Dios pasiwla-el paxulan japon tupaliajwa, xatis nakbu'weliajwa. Samata, matabijas, Dios nakchaxduiyaxael puexa xatis nakwewe'ppoxan. <sup>33</sup> Dios nakmakanot japon pejjiwaliajwas. Samata, chinax kaen aton naktasalaxil babijaxan isaspoxanliajwa, xatis majt babijaxan isaspoxan chiekal ajil xot Diosliajwa. <sup>34</sup> Chinax kaen aton to'axilbej nakkastikaliajwa babijaxan isaspoxanliajwa, Jesucristo tɔp wut, mot xoton xatis babijaxan isaspoxanliajwa. Tɔp wut, Dios mat-echpon pejme dukaliajwa. Amwutjel ek pax Dios poklalel. Samata, Jesús Dios kawuajnaful xatis nakkajachawaesfulaliajwa. <sup>35</sup> Chinax kaen aton xajɔpa-el asax isliajwa, Cristo nakkofaliajwa xatis naknejxasinkpox. Nabijatas wut, Cristo nakiowa naknejxasinkaxael. Puexa chiekal pachaema-el wutbej xatisliajwa, Cristo nakiowa naknejxasinkaxael. Asew jiw babijaxan is wutbej xatisliajwa, Dios chiekal xanaboejas xot, Cristo nakiowa naknejxasinkaxael. Xabich litaxaelas wutbej, nakwe-ajil wutbej naxoeliajwas, pe nakiowa Cristo naknejxasinkaxael. Chachoel wutbej, asew jiw nakbesia xot, Cristo nakiowa naknejxasinkaxael. <sup>36</sup> Dios pejjamechan, chajia lelspx, jum-aechox David jum-aechox Diosliajwa:

“TajDios, xanal pomatkoicha asew jiw nabesia, nejjiwan xot. Me-ama ovejas tadukafulas wut xua'asliajwas, jachisiabejpi asew jiw xanalliajwa” —aechox.

37 Xatis nabijatas wut, babijaxan naktapat xot, nakiowa mamnikafulaxaes, Cristo naknejxasinkpon nakkajachawaesful xot. 38 Xan chiekal matabijtax ampox. Chinax kaeyax, asax, xajupaxil xatis nakdiajkaliajwa Dios naknejxasinkpox. Wajpatupax, wajnabijasaxbej, japoxanbej nakdiajkaxil Dios naknejxasinkpox. Ángeles, depbej, nakdiajkaxil Dios naknejxasinkpox xatis. Asaxan babijaxan naktapat wut xatisliajwa, asamatkoi pasaxaelpoxanbej, japoxanbej xatis nakdiajkaxil Dios naknejxasinkpox. 39 Puexa Dios ispoxan athuxotse, thatxotbej, japoxan xatis nakdiajkaxil Dios naknejxasinkpox. Asewbej, Dios ispoxan, kaeyax nakdiajkaxil Dios naknejxasinkpox. Xatis matabijas Dios naknejxasinkpox, to'a wuton wajpaklon Jesucristo tupaliajwa puexa xatis babijaxan isaspoxanliajwa.

## 9

### *Dios makanotpox judíos japon pejiwaliajwa*

1 Xan jum-anpoxan diachwujnakolax. Kichachajba-enil, Jesús pejwujajan naexasitx xot. Espíritu Santo nakajachawaet xot, matabijtax xan jum-anpoxan xamalliajwa, japoxan diachwujnakolax. 2 Xan xabich nanejxaejow, asew judíos naexasis-el xot Jesús pejwujajan. Xabich nanejxaejowbej, nejchaxoelx wut japiliajwa. 3 Samata, xan nejchaxoelx japiliajwa: “Dios natapaeyaxael wut, nejxasinkax xan nafo'aliajwan Diosliajwa, Cristo pej-apóstol-elaliajwanbej, tajjiw judíoslox Dios bu'welialjwas”

—an, nejchaxoelx wut. Pe Dios natapaeyaxil japox jachiliajwan. <sup>4</sup> Tajwɥajnapijiw, judíos, Israel pamojiw, japi makanoch Dios japon pejjiwaliajwapi. Ja-aech wut, Dios japixot. Samata, japi taen pomatkoicha Dios pej-itliakax. Chajia jumtisbejpi kajachawaesliajwas. Japiliajwa waeltas Moisés chajia lelpox japi naexasisfulaliajwa. Samata, israelitas matabija Dios kawɥajnafalaliajwa. Matabijabejpi Dios chajia jum-aechpox bu'weliajwas. <sup>5</sup> Abraham, Isaac suapich, Jacobbej, japi judíos pejwɥajnapijiw. Cristo nalaelt judíosxot. Samata, Cristo judíos-aton. Japon pajutbej Dioslape, puexa jiw tato'laliajwa. Samata, pomatkoicha puexa jiw jumchiyaxaeson: “Japon xabich pachaem” —chiyaxaeson. Jasox jachiyaxael japonliajwa.

<sup>6</sup> Judíosxot asew jiw naexasis-el Dios chajia jum-aechpox. Samata, Dios is-el chajia jum-aechpox japi jiwliajwa. Ja-aech wut, xatis jumchiyaxisal: “Dios is-el puexa judíosliajwa chajia jum-aechpox” —chiyaxisal xatis. Dios kaesuapich makanot judíosxot japon pejjiwaliajwa. Dios puexa makanos-el judíos japon pejjiwaliajwa.

<sup>7</sup> Abraham xabich pamojiw. Pe nakiowa, puexa Abraham pamojiw Dios pejjiwa-el. Dios chajia jum-aech Abrahamliajwa: “Xam kolenje naxulan. Pe kaen, naxulan Isaac, pamojiw, japi namojiwkola wulxael” — aech Dios Abrahamliajwa. <sup>8</sup> Samata, xatis chiekal matabijas, puexa Abraham pamojiw Dios pejjiwaxil. Dios naexasitikal, japi diachwɥajnakolax Abraham pamojiwkolaxael. Japi Dios paxiyaxaelbej. <sup>9</sup> Abraham xijil wutfuk,

Dios chajia jum-aech Abrahamliajwa: “Kaewaech wut, pejme xamxot pasaxaelen. Jawut nijow Sara paxulchaxaelisow” —aech Dios, jumdut wut Abrahamliajwa.

<sup>10</sup> Do jawux, kaewaech wutlejen, Isaac nalaelt, pat wut Dios jumdutpox. Do jawux, pin-iawaechan wut, Isaac pijow fit. Japow pawul Rebeca. Moejow wut, kolenje na-o'a faekow. <sup>11-13</sup> Na-o'a nalaela-el wutfuk, japi is-el wutfuk babijaxan, is-el wutbejfuki pachaempoxan, Dios jum-aech Rebecaliajwa: “Matxoelapijin tato'laxaes pakoewan, wachakalpijin” —aech Dios Rebecaliajwa. Baxael, japijajwa Dios pejjamechan, chajia lespox, jum-aechox, Dios jum-aech wut: “Xan kaes nejxasinkax wachakalpijin, pawulpon Jacob. Matxoelapijin, pawulpon Esaú, nejxasinka-enillejen” —aech Dios. Jasoxtat Dios makanotbej jiw nejxasinkpipon pejjiwaliajwa. Dios jiw makanot wut pejjiwaliajwa, jumchi-elon: “Xan jiw makanosaxaelen, ispi pachaempoxan” —chi-el, Dios nejchaxoel wut.

<sup>14</sup> Xatis jumchiyaxisal: “Dios jasoxtat makanot wut, japox chiekal pachaema-el” —chiyaxisal. Dios puexa ispoxan xabich pachaem. <sup>15</sup> Dios jum-aech Moisésliajwa: “Xan aton beltaesian wut, japon aton beltaeyaxaelen” —aech Dios.

<sup>16</sup> Aton nejxasink wut Dios beltaeliajwas babijaxan ispoxanliajwa, o, nejxasinka-el wuton beltaeliajwas, pe nakiowa, Dios nejxasink wut, japon aton Dios beltaeyaxaes babijaxan ispoxanliajwa. Aton xabich Dios tanbist wut, o, tanbich-el wut, pe nakiowa, Dios nejxasink wut, japon aton beltaeyaxaes. <sup>17</sup> Dios pejjamechan,

chajia lelsprox, jum-aech Dios jum-aechprox rey, Egipto tʰajnprijinliajwa: “Xam tapaeix xot, amwʰtjel xam puexa ampatʰajnprijiw tato'lam. Xan koechaxan isaxaelen xamal nabijasliajwam, tajjiw tapae-emil wʰt nakolaliajwa nejʰajnxot. Puexa ampathatprijiw namatabijaxael xan, diachwʰajnakolax xan Diosnanponan” —aech Dios rey Egipto tʰajnprijinliajwa. <sup>18</sup> Samata, Dios jiw beltaesia wʰt, beltaeyaxaelon. Naexasis-elpi Dios tato'alpox, japi jiw Dios tapaeis naexasis-elaliajwa Dios tato'alpox.

<sup>19</sup> Pe xamal bej jumchiyaxaelambej xanliajwa: “Jiw naexasis-el wʰt Dios tato'alpox, japi jasox tapaeis jachisfulaliajwa pomatkoicha. Ja-aech wʰt, japi Dios kastikaxisal” —bej chiyaxaelambej xanliajwa. <sup>20</sup> ¡Xamal jasox nabej jum-aech'e' Diosliajwa! ¡Nabej jum-aech'e'bej: “Dios is pachaema-elpox” —nabej aeche'! Baext xajʰpaxael wʰt naksiyaliajwa, jumchiyaxil baex fa'sanliajwa: “Xam na-isam baextat. ¿Ma-aech xotkat xan na-isam baextat?” —chiyaxil baext.

<sup>21</sup> Baex fa'sanliajwa tampoela-el isasiapoxan isliajwapon bʰx-astat. Japonliajwa tampoela-el isliajwa baext, chimiat, esliajwa puexa jiw taeliajwa. Japonliajwa tampoela-elbej asat isliajwa, xachat-etpotliajwa.

<sup>22</sup> Diosbej ja-aech. Isasiapoxan ispon jiwliajwa. Japon xabich kastikaxael jiw, babijaxan ispi, pajut japi jiw matabijaliajwa japon xabich palalapox, pejpamamaxbej. Pe Dios piach xabich boejtaliat jiw babijaxan ispi kastika-elaliajwapon. Japilach chiekal toesaxaespi, Dios kastikas wʰt. <sup>23</sup> Dios bʰ'weyaxaelpi, japi jiw

bü'weyaxaelon. Dios nakbeltaen xatis babijaxan isaspoxanliajwa, jiw pajut matabijaliajwa, japon xabich pachaempon. Dios chajia nakmakanot, nalaela-esal wütfuk japon pejjiwaliajwas, pomatkoicha duilaliajwas japonxotse. <sup>24</sup> Dios nakmakanot wüt japon pejjiwaliajwas, judíoskal makanos-elon. Makanotbejpon judíos-elpi. Puexa xatis Dios nakmakanot japon pejjiwaliajwas. <sup>25</sup> Profeta Oseas chajia lelpox jum-aech, Dios jum-aech wüt judíos-elpiliajwa:

“Majt tajjiwa-elpi, japiliajwa xan jumchiyaxaelen: ‘Ampi jiw, tajjiw’ —chiyaxaelen. Japi jiw, majt nejxasinka-enilpi, amwüt japiliajwa jumchiyaxaelen: ‘Ampi jiw, tajjiw, xan japi nejxasinkax’ —chiyaxaelen.

<sup>26</sup> Japiliajwabej, xan majt jum-an: ‘Xamal tajjiwa-emil’ —an, asamatkoi japi jiw xan nanaexaxisaxael. Jawüt asew jiw jumchiyaxaes japiliajwa: ‘Ampi jiw, Dios pomatkoicha dukpon, japon paxi’ —chiyaxaes” —aechox profeta Oseas chajia lelpox, Dios jum-aech wüt judíos-elpiliajwa.

<sup>27</sup> Profeta Isaías chajia ampox jum-aech judíosliajwa: “Israel pamojiw xabich pin-iataxael. Me-ama thaejbelen marxot xabichjim, jachiyaxael Israel pamojiw. Pe japixot kaesüapich Dios bü'weyaxaes. <sup>28</sup> Asamatkoi potüajnüchanpijiw, babijaxan ispi, kamta kastikaxaespi Dios” —aech profeta Isaías judíosliajwa. <sup>29</sup> Profeta Isaías chajia jum-aechbej:

“Dios, xajüp puexa isliajwa. Dios nakbeltaeyaxil wüt, puexa xatis chiekal naktoesaxaelon.

Me-ama Sodoma paklowaxpijiw, Gomorra paklowaxpijiwbej, chiekal toech wut, jachiyaxaelbejpon xatisliajwa, Dios naktoesaxael wut xatis” —aech profeta Isaías.

*Amxot jum-aechpox judíoslíajwa, Jesúsliajwabej*

<sup>30</sup> Xatis matabijas. Majt judíos-elpi nejchaxoel wut, chiekal nejchaxoela-el: “¿Machiyaxaes pachaemaliajwas Diosliajwa, babijaxan isaspoxanliajwa?” —chi-eli, nejchaxoel wut. Amwutjel judíos-elpi Jesús pejwujajan chiekal naexasit xoti, japi majt babijaxan ispoxan wejisallisi Diosliajwa. <sup>31</sup> Judíoslax nakaewa najum-aech: “Moisés chajia lelpox chiekal naexasich pachaemaliajwas Diosliajwa” —aech judíos nakaewaliajwa. Pe nakiowa, judíos chiekal naexasis-el Moisés chajia lelpox. Samata, nakiowa judíos babijaxan isful. <sup>32</sup> Naexasis-eli Jesús tuppox japiliajwa, japi nakiowafak pejbwujajan Diosliajwa. Asbuan jumch nakaewa najum-aechi: “Xatis naexasich wut Moisés chajia lelpox, pachaemaxaes Diosliajwa” —aechi asbuan jumch nakaewa. Samata, judíos babijaxan is xot, napelti Diosliajwa. <sup>33</sup> Dios pejjamechan, chajia lelpox, jum-aech, Dios chajia jum-aechpox paxulan to'axoekpoxliajwa:

“Xan to'axaelen taxulan Jerusalén paklowax poxadik, japon jiw bw'welíajwa japi babijaxan ispoxanliajwa. Asew jiw japon xanaboejaxili. Japi jiw chiekal napelsaxael xanliajwa. Asew jiw lax, taxulan xanaboejaxaelpi. Japilax



napelsaxil xanliajwa” —aech Dios, chajia jum-aech wut.

## 10

<sup>1</sup> Takoew, xan nejxasinkax puexa judíos Dios bu'welijwas. Samata, Dios kawhajnax japiliajwa. <sup>2</sup> Judíos xabich isasia Dios nejxasinkpoxan Dios nejchachaemlaliajwa japiliajwa. Pe japoxan is wut, Diosliajwa japoxan pachaema-el, chiekal matabija-el xoti isliajwa Dios nejxasinkpoxan. <sup>3</sup> Japi judíos pajut chiekal matabija-el Dios isaxaelpox japi babijaxan ispoxan chiekal ajilaliajwa Diosliajwa. Samata, japi chiekal matabija-el wut, nejchaxoel: “Xatis naexasich wut Moisés chajia lelpox, chiekal pachaemaxaes Diosliajwa” —aechi asbuan jumch, nejchaxoel wut. Samata, ja-aech wut, japi naexasis-el Jesús tæppox japiliajwa pachaemaliajwapi Diosliajwa, me-ama Dios nejxasink japi naexasisliajwa Jesús pejwajan. <sup>4</sup> Japi judíos naexasisaxael wut Jesucristo tæppox puexa jiwliajwa, ja-aech wut, japi babijaxan ispoxan ajilaxael Diosliajwa. Samata, ja-aech wut, japi nejchaxoelaxil ampox: “Xatis naexasisaxaes Moisés chajia lelpox pachaemaliajwas Diosliajwa” —chiyaxili, nejchaxoel wut.

<sup>5</sup> Asew jiw chiekal matabija-el xot, nejchaxoel: “Xatis diachwajnakolax naexasich wut Moisés chajia lelpox, babijaxan isaspoxan ajilaxael Diosliajwa” —aechi asbuan jumch, nejchaxoel wut. Jasi jiwliajwa Moisés chajia lelpox jum-aech: “Aton chiekal naexasit wut puexa xan lelpox, japon pomatkoicha dukaxoei Diosxotse” —aechox. Pe aton puexa chiekal

naexasisaxil Moisés chajia lelpox. <sup>6</sup> Pelax chiekal naexasich wut Jesucristo tɔppox babijaxan isaspoxanliajwa, jatis wut, Dios nakbeltaeyaxael xatis babijaxan isaspoxanliajwa nakbu'welija. Samata, Dios pejjamechan jum-aech: “Xamal nejchaxoelam wut, inabej nejchaxoele': ‘¿Achan Dios poxaxoei buflaeliajwasik Cristo, japon nakkajachawaesliajwa pachaemaliajwas Diosliajwa?’ —nabej aeche', nejchaxoelam wut, japon fu loek xotlison! <sup>7</sup> ¿Xamal nabej nejchaxoele'bej: ‘¿Achankat fulaeyaxaek tɔpi pejaelan duil poxadik, jaxotsin Cristo buflaeliajwasin nakkajachawaesliajwa pachaemaliajwas Diosliajwa?’ —nabej aeche', nejchaxoelam wut!” Cristo jaxota-eldik. Chajia mat-echpon. Ma amwutjel duklison pejme. <sup>8</sup> Dios pejjamechan, chajia lelpox, jum-aech wut, jum-aechox: “Dios pejjamechan xamal chiekal naexasitam. Samata, jum-am Dios pejjamechanliajwa. Nejchaxoelambej japoxanliajwa” —aechox. Japajamechan xamal naewuajna x naexasisliajwam Cristo tɔppox xamalliajwa. <sup>9</sup> Xatis ampo x nejchaxoels wut: “Diachwuajnakolax Jesús tɔp wut cruztat, Dios mat-echpon pejme dukaliajwa” —tis wut, xatis jumtis wutbej asew jiw nakjumtaeliajwa: “Jesús tajpaklon” —tis wut xatis, Dios nakbu'weyaxael. <sup>10</sup> Pe xatis kaenanala jumtis wut: “Jesucristo cruztat tɔp xanliajwa” —tis wut, nejchaxoels wut, ja-aech wut, babijaxan isaspoxan ajil Diosliajwa. Xatis asew jiw jumtis wut: “Jesucristo, japon tajpaklon” —tis wut, Dios nakbu'weyaxael.

<sup>11</sup> Dios pejjamechan, chajia lelpox, jum-aech

wut, jum-aechox jiw Jesús xanaboejaxaelpiliajwa: “Jiw xanaboeja wut Cristo, japi jiw napelsaxil japonliajwa” —aechox. <sup>12</sup> Judíos, judíos-elpibej, Dios puexa chiekal taen. Dios paklon puexa jiwliajwa. Jiw Dios kawuajan wut, Dios kajachawaet japi jiw. <sup>13</sup> Xatis japox matabijas, Dios pejjamechan, chajia lelspx, jum-aech wut, jum-aech xotox: “Puexa jiw wajpaklon Dios kawuajan wut bu'weliajwas, japi jiw bu'weyaxaes” —aech xotox. <sup>14</sup> Jiw kawuajnaxil Dios bu'weliajwas, naexasis-el wuti Jesucristo tæppox japi jiw babijaxan ispoخانliajwa. Naexasisaxilbejpi Jesús pejwajan, jumtae-el wut Jesucristo pejwajan. Jiw jumtaeyaxilbej Jesucristo pejwajan, asan aton ajil wut naewuajnalijwas japon pejwajan. <sup>15</sup> Asan aton fulaeyaxilbej naewuajnalijwa Jesús pejwajan, japon aton to'a-esal wut. Dios pejjamechan, chajia lelspx, jum-aech wut, jum-aechox Jesús pejwajan naewuajnaxaelpiliajwa: “¡Xabich pachaemdo', japi jiw xapat xot chimiawuajan asew jiw naewuajnalijwa!” —aechox.

<sup>16</sup> Xabich jiw naewet Jesucristo pejwajan. Pe kaesurapich jiw naexasit jarawuajan Dios bu'weliajwas. Majt chajia japox ja-aechbej. Jiw naexasis-el profeta Isaías jum-aechpx. Ja-aech wut, profeta Isaías jum-aech Diosliajwa: “Tajpaklon Dios, xabich jiw naexasis-el chimiawuajan, naewuajnax wut. Jumch kaesurapich naexasit” —aech profeta Isaías. <sup>17</sup> Naexasiti Jesucristo pejwajan, japi jiw naexasit jarawuajan, naewet xoti jarawuajan.

18 Judíos jumtaen Jesús tɔppox japi babijaxan ispoxanliajwa. Pe nakiowa, japi japox naexasis-el. Samata, Dios pejjamechan, chajia lelsprox, jum-aech wɔt, jum-aechox:

“Dios pejjamechan naewɔajnaaxaelpi, japi jiw pɔtɔajnaɔcha naewɔajnaaxael Dios pejjamechan” —aechox.

19 Judíos chiekal jumtaen Jesús tɔppox japi babijaxan ispoxanliajwa. Pe japi naexasis-el japox. Moisés chajia jum-aech judíos naexasisaxilpox. Jum-aechbejpon judíos-elpiliajwa japi Dios naexasisaxaelpox. Japoxanliajwa Moisés chajia lelpox jum-aech judíosliajwa:

“Dios jum-aech xamalliajwa: ‘Asatɔajnaɔpijiw, judíos-elpi, japi tajjiwaxael. Samata, xamal nusasiowlaxaelam japiliajwa. Japi majt matabija-elpi tajjamechan. Pe asamatkoi judíos-elpi, japi xan nanaexasisaxael. Samata, xamal nalalaxael japiliajwa’ —aech Dios xamalliajwa” —aech Moisés chajia lelpox.

20 Baxael, Isaíasliajwa chachoel wɔt, nakiowa lelon Dios chajia jum-aechpox judíos-elpiliajwa:

“Judíos-elpi majt nejchaxoela-el xan nanaexasisliajwa. Asamatkoi japi xan nanaexasisaxael. Judíos-elpi, japi asew jiw wɔajnaɔchaemseli xanliajwa, japi xan tapaeyaxaelen nanaexasisliajwa” —aech Dios judíos-elpiliajwa, profeta Isaías chajia lel wɔt.

21 Profeta Isaías chajia lel Dios jum-aechpox judíosliajwa: “Pomatkoicha xan nejxasinkax judíos. Pe japi naexasis-el xan pachaemaliajwan japiliajwa” —aech Dios.

# 11

## *Asew judíosxot Dios b#weyaxaespox*

<sup>1</sup> ¿Dioskat koft pejjiw judíos? ¡El! Dios kofs-el pejjiw judíos. Xanbej judíos-atonan, Abraham pamonan, Benjamín pamonanbej. <sup>2</sup> Chajiakolaxtat Dios makanot pejjiwaliajwa tajw#ajnapijiw, israelitas. Samata, amw#tjel Dios nejwesla-el israelitas. Xamal matabijam Dios pejjamechan j#m-aechpox profeta Elíasliajwa. Japon Dios kaw#ajan w#t, tasalapon israelitas. J#m-aechon: <sup>3</sup> “Tajpaklon Dios, israelitas xabich beful nejprofetas. Toetbejpi nejew altar. Xan kaenan namanx nejprofetas beflaspixot, xam kaw#ajna#xonan. Xanbej israelitas naboesasia” —aech profeta Elías Diosliajwa. <sup>4</sup> Do jaw#t, Dios j#m-aech profeta Elíasliajwa: “¡Xam kaena-emil! Xan tajjiw, siete mil poejiw, israelitas. Japi chiekal xan nanaexasisful. Japi israelitas nuila-elbej brixtat kaw#ajnalialjwapi ídolo, paw#lox Baal” —aech Dios profeta Elíasliajwa. <sup>5</sup> Amw#tjelbej Dios kaes#apich jiw makanot japon pejjiwaliajwa, beltaen xoton. <sup>6</sup> Dios beltaen xot, jiw makanoton pejjiwaliajwa. Makanos-elon, japi is xot pachaempoxan. Pe japilax makanoch, beltaens xot babijaxan ispoxanliajwa.

<sup>7</sup> Ja-aech w#t, xan nejchaxoelx judíosliajwa. Japi pachaemasia Diosliajwa. Pe nakiowa, pachaema-el, is-el xoti Dios nejxasinkpoxan. Kaes#apich japixot makanoch Dios pejjiwaliajwa. Japilax chiekal pachaemsful Diosliajwa. Asew judíos pejnechaxoelaxan, me-ama matakas w#t, ja-aechi naexasis-elaliajwa Jesús pejw#ajan. Samata, japi judíos, naexasis-el Jesucristo

təppox japi babijaxan ispoxanliajwa. <sup>8</sup> Dios pejjamechan, chajia lelspx, jəm-aech wət, jəm-aechox judíosliajwa, japi naexaxisaxilpiliajwa Dios: “Japi judíos Dios pejjamechan makach matabija-el. Samata, japi judíos chajia xaljow wət Dios pejjamechan, chajia lelspx, japi nakiowa naexaxis-el. Amwətjelbej nakiowa japi naexaxis-el Dios pejjamechan. Samata, japi pejnechaxoelaxan, Diosliajwa, me-ama itliakla wət, ja-aechi. Naekuta wətbej, ja-aechi” —aech Dios pejjamechan, chajia lelsxot judíosliajwa. <sup>9</sup> Rey Davidbej chajia jəm-aech judíos naexaxisaxilpox Dios:

“Judíos is wət fiesta, japi chiekal matabija-el wət, nejchaxoeli ampox: ‘Dios nejchachaemil xatisliajwa, ampafiesta isas xot japonli-ajwa. Samata, Dios nakkajachawaesaxael’ —aechi asbuan jəmch, nejchaxoel wət. Asamatkoi japi nejchachaemil wət, fiestan is xoti, pe jawət, japi judíos chalechkal kastikaxaesi Dios.

<sup>10</sup> Japi judíos chiekal matabija-elbej Dios ispoxan, taen wəti. Samata, japi judíos pomatkoicha nabijasaxael” —aech rey David, chajia jəm-aech wət judíosliajwa, Dios naexaxisaxilpiliajwa.

*Dios bə'weyaxaelpox judíos-elpi*

<sup>11</sup> Judíos naexaxis-el Jesús təppox japi babijaxan ispoxanliajwa Dios bə'welijwas. Samata, japi judíos napelt Diosliajwa. Pe nakiowa, japi judíos pomatkoicha napelsaxil. Judíos naexaxis-el wət Jesús pejwəajan, ja-aech wət, Dios tapaei

judíos-elpi naexasisliajwa Jesús pejwɥajan. Judíos-elpi naexasit wɥt Jesús pejwɥajan, judíos japox taen wɥt, japi pa-ɯlaxael judíos-elpiliajwa. Samata, ja-aech wɥt, judíosbej naexasisaxael Jesús pejwɥajan Dios bu'welijaɥwas. <sup>12</sup> Samata, amwɥtjel pachaem judíos-elpiliajwa, Dios tapaeis xot japi naexasisliajwa Jesús pejwɥajan japi Dios bu'welijaɥwas. Asamatkoi kaes pejme xabich pachaemaxael judíosliajwa, xabich judíos naexasit wɥt Jesús pejwɥajan.

<sup>13</sup> Xamal, judíos-emilpim, xan jamchiyaxaelen ampox, nejxasinkaxpox xamal matabijali-ajwam. Dios nato'a xamal, judíos-emilpim, naewɥajnalijaɥwan Jesús pejwɥajan. Samata, chiekal xamal naewɥajnaɥ. <sup>14</sup> Nejxasinkax tajjiw judíos nusasiowlaliajwa xamal, judíos-emilpimliajwa. Ja-aech wɥt, judíosbej naexasisaxael Jesús pejwɥajan, japiɥej Dios bu'welijaɥwas. <sup>15</sup> Xabich judíos naexasis-el Jesús pejwɥajan. Judíos-elpilax naexasit Jesús pejwɥajan. Samata, japi amwɥtjel xabich pachaem Diosliajwa. Asamatkoi, judíosbej naexasit wɥt Jesús pejwɥajan, ja-aech wɥt, japox chiekal pachaemaxael. Amwɥtjel judíos, me-ama patɥpa wɥt, ja-aechi Diosliajwa. Asamatkoi, judíos Jesús pejwɥajan naexasit wɥt, japi judíos Diosliajwa, me-ama Dios mat-iaspi wɥt pejme duilaliajwa, jachiyaxaeli. <sup>16</sup> Pawis pan is wɥt, matxoelapan chaxdut wɥtow Diosliajwa, ja-aech wɥt, puexa asew panɥej, me-ama Dios pejew wɥt, ja-aech. Kaen aton Dios chaxdut wɥtɥej naetathinan, puexa japanaedalan, japanaebaechɥej, puexa,

me-ama Dios pejew wut, ja-aech. Abraham chajiakolaxtat Dios makafich wut pej-atonliajwa, judíos pejuajnapijinliajwabej, ja-aech wut, Abraham pamojiwbej, me-ama puexa Dios pejiw wut, ja-aechi Diosliajwa.

<sup>17</sup> Judíos, me-ama olivonaedalt. Xamal, judíos-emilpimbej, me-ama ul pej-olivonaedalt wut, ja-am xamal Diosliajwa. Olivonaepijin daltasiapcha. Daltasiapchaxot japaboktuchadik no'kon ul pej-olivonaedalt, isliajwapon injerto. Ja-aech wut, naetuminan leful japa-olivonaedalt poxase chiekal ti'sfulaliajwa japanaedalt. Dios jasox is xamal, judíos-emilpimliajwa. Judíos, Dios makanoch japon pejiwaliajwa. Pe nakiowa, japi judíos naexasis-el Jesús pejuajan. Samata, Dios koft japi. Xalixasbejpi. Amwutjel xamal, judíos-emilpim, Jesús pejuajan chiekal naexasitam xot, Dios pejiwam. <sup>18</sup> ¡Xamal nabej nejchaxoele': "Xatis Dios nakmakanot japon pejiwaliajwas, judíos-esalpis. Samata, kaes pejme pachaems. Me-ama judíos, jachi-esal" —nabej aeche', nejchaxoelam wut! Xamal chiekal matabijam. Naetuminan fulae-eldik tathinan poxadik ti'sfulaliajwa tathinan. Pelax naetuminan fulaloecha padalan poxase chiekal pachaemaliajwa japadalan. Ja-amlap-is xamal, judíos-emilpim. Judíos pachaema-el Diosliajwa xamal nijaxtat. Xamallax judíos pijaxtat pachaemam Diosliajwa. Samata, nejchaxoelam wut, ¡nabej nejchaxoele': "Xatis kaes pejme pachaems" —nabej aeche'! <sup>19</sup> Nakaewa xamal bej najam-ambej: "Olivonaepijin daltasiapcha. Daltasiapchaxot no'kon boktuchadik ul pej-



olivonaedalt, japadalt jaxot ti'sfulaliajwa. Dios jasox is, koft wuton judíos. Jawux xatis, judíos-esalpis, nakmakanot japon pejjiwaliajwas” — bej ambej xamal nakaewa, judíos-emilpim. <sup>20</sup> Olivonaepijin daltasiapcha, pachaema-eldalt. Do jaxot no'kon ul pej-olivonaedalt. Xamal, judíos-emilpim, me-ama ul pej-olivonaedalt no'kasdalt olivonaedalt daltasiapchaxot, ja-am xamal. Naexasitam xot Jesús pejwajan, Dios xamal makanot japon pejjiwaliajwam. Samata, nejchaxoelam wut, inabej nejchaxoele': “Xan kaes pejme pachaeman. Me-ama judíos, jachi-enil” — nabej aeche', nejchaxoelam wut! ¡Xamallax najut chiekal natataeflaxaelam kofasamatam Dios naexasitampox! <sup>21</sup> Dios koft judíos, naexasis-el xoti Jesús pejwajan. Dios jachiyaxaelbej, xamal naexasisfala-emil wut Jesús pejwajan. <sup>22</sup> Samata, nejchaxoelam wut, ¡chiekal nejchaxoelafalde! Dios xabich pachaem. Pachaem xoton, kastika jiw, babijaxan is wut. Kastikabejpon judíos, naexasis-el wuti Jesús pejwajan. Dios xamal beltaen xot, tapaei naexasisfulaliajwam Jesús pejwajan. Xamal naexasisfala-emil wut, Dios kastikaxaelbej xamal. <sup>23</sup> Judíos naexasit wut Jesús pejwajan, ja-aech wut, japi pejme Dios pejjiwaxael. Dios mamnik xot, tampoela-el japonliajwa pejme makanosliajwapon judíos japon pejjiwaliajwa. <sup>24</sup> Olivonaepijin daltasiapcha wut, japon xajup pejme asadalt nosliajwadik, no'kasdalt ti'sfulaliajwa jaxot. Dios, me-ama japox is, xamal makanot wuton, judíos-emilpim, japon pejjiwaliajwam. Samata, pachaem pejme Dios makanosliajwa judíos japon pejjiwaliajwa, judíos

pejw<sub>u</sub>ajnapijiw majt pejjiw xoton.

*Asamatkoi Dios bu'weyaxaelpox judíos*

<sup>25</sup> Takoew, xamal ampox jumchiyaxaelen, majt jiw matabija-elpox, xamal nejchaxoelasamatam judíosliajwa: “Xatis kaes pejme matabijas” — chisamatam, nejchaxoelam w<sub>u</sub>t. Asew judíosxot xabich naexasis-el Jesús pejw<sub>u</sub>ajan. Pe asamatkoi judíos naexasisaxael Jesús pejw<sub>u</sub>ajan, xabich judíos-elpi naexasit w<sub>u</sub>t Jesús pejw<sub>u</sub>ajan. <sup>26</sup> Ja-aech w<sub>u</sub>t, xabich judíos naexasisaxael Jesús pejw<sub>u</sub>ajan Dios bu'welialwas. Dios pejjamechan, chajia lelspx, jum-aech w<sub>u</sub>t, Dios jum-aech Jesúsliajwa: “Xabich jiw bu'weyaxaelpon, pasaxael Jerusalén paklowaxxot. Japon pijaxtat judíos kofaxael babijaxan ispoxan.

<sup>27</sup> Ja-aech w<sub>u</sub>t, xan isaxaelen chajia jumduxpox japi pejw<sub>u</sub>ajnapijiwliajwa, beltaeyaxaelen w<sub>u</sub>t judíos babijaxan ispoxanliajwa” — aech Dios.

<sup>28</sup> Asew judíos naexasis-el w<sub>u</sub>t Jesús pejw<sub>u</sub>ajan, japi judíos Dios padaelmajiwaxael. Samata, judíos-emilpim, Dios tapaei naexasisliajwam Jesús pejw<sub>u</sub>ajan. Ja-aech w<sub>u</sub>t, Dios nakiowa nejxasink judíos, makanot xoton pejw<sub>u</sub>ajnapijiw pejjiwaliajwa. <sup>29</sup> Dios nejchaxoel w<sub>u</sub>t, kaeyax chiekal nejchaxoelon. Kaes asax nejchaxoelalon nejchaxoelpoxliajwa. Kofsaxilon judíos pejjiwpx. Dios nakiowa kajachawaesaxael japi judíos. <sup>30</sup> Xamal, judíos-emilpim, majt naexasis-emil Dios. Pe amw<sub>u</sub>tjel, judíos naexasis-el xot Jesús pejw<sub>u</sub>ajan, Dios xamal beltaen. <sup>31</sup> Asamatkoi judíosbej jachiyaxaes. Amw<sub>u</sub>tjel

japi judíos naexasis-el Jesús pejwɥajan. Pe nakiowa, asamatkoi, Dios beltaeyaxaesi. Me-ama amwɥtjel xamal, judíos-emilpim, Dios beltaen babijaxan isampoxanliajwa, jachiyaxaesbej asamatkoi judíosliajwa. <sup>32</sup> Dios puexa jiw to'a chiekal duilaliajwa. Pe jiw, Dios naexasis-elpi, amwɥtjel japi Dios tapaeis jasoxtat duilaliajwa. Pe asamatkoi, Dios puexa jiw beltaeyaxael babijaxan ispoxanliajwa.

<sup>33</sup> Aton puexa matabijsaxil, ma-aech Dios xabich pachaempox, Dios matabijtpoxanbej, Dios pejnechaxoelaxanbej. Kaen aton chanaekabɥanaxilbej Dios nejchaxoelpoxan isaxaelpoxanliajwabej. Kaen aton matabijsaxilbej, ma-aech xot Dios japoxan is, isasia wɥt. <sup>34</sup> Dios pejjamechan, chajia lelspx, jɥm-aech wɥt, jɥm-aechox: “Xatis matabijaxisal Dios pejnechaxoelaxan. Xatisbej naewɥajnaxisal Dios. <sup>35</sup> Dios chinax kaen aton dewas-el. Samata, aton jɥmchiyaxil: ‘Dios xan nadewat, asax chaxdutx xot’ —chiyaxilon” —aechox Dios pejjamechan, chajia lelspx. <sup>36</sup> Puexa ampathatatpi, japoxan Dios ispoxan. Samata, puexa japoxan Dios pejew. Tataefɥlbejpon puexa. Samata, pomatkoicha xatis jɥmchiyaxaes Diosliajwa: “¡Xam xabich pachaemam!” —chiyaxaes. ¡Jasox nej ja-aече’!

## 12

*Jesús pejwɥajan naexasiti, japi duil Dios tanbichliajwa*

<sup>1</sup> Takoew, xamal chiekal matabijam, Dios nakbeltaen, xatis majt babijaxan isas wɥt.

Samata, xamal to'ax. Me-ama kaenanula ofrenda chaxduwam wut, jja-amde xamal Diosliajwa! jXamal najut nawoeyam Diosxot isliajwam Dios nejxasinkpoxan! jIsfulde Dios pejbichax Dios nejchachaemlaliajwa xamalliajwa! jJapoxan isfulde, Dios xabich sitaenam xot! <sup>2</sup> jNabej is babijaxan! Me-ama Dios naexasis-elpi is babijaxan, jxamal nabej ja-aече'! jTapaem Dios kajachawaesliajwa, xamal nejchaxoelampoxan babijaxan kofaliajwam! Nejchaxoelam wut, jnejchaxoelde Dios pijaxan! Ja-am wut, xamal chiekal duilaxaelam. Matabijaxaelambej Dios nejxasinkpoxan isliajwam. Japoxan pachaem. Pachaempoxan isam wut, ja-am wut, Dios nejchachaemlaxael xamalliajwa.

<sup>3</sup> Dios nabeltaen xot, japon xan nato'a pejbichax nabichliajwan. Samata, puexa xamal jum-an amprox. Nabichfulam wut Diosliajwa, nejchaxoelam wutbej, jnabej nejchaxoele': "Xan asabichax nabichasian, Dios pejbichax, kaes pejme pachaempox, jiw kaes chiekal nasitaeliajwa" —nabej aeche', nejchaxoelam wut! Jasox nejchaxoelasamatam, jmajt chiekal nejchaxoelde chiekal matabijaliajwam, ma-am xamal Dios pejbichaxanliajwa, Dios xamal chaxduwbichaxan!

<sup>4</sup> Kaenanula wajbu'antat maenk pathi, pawibej, kaes asaxanbej, japoxan kaenanula isfulaliajwa isaxaelpoxan. <sup>5</sup> Xatisbej xabich pin-iatas. Pe nakiowa, kaebu'tas, Cristo sɤapich. Xatis kaenanula nabistas asabichaxan Diosliajwa. Jatis wut, jnakaewa nakajachawaesaxaes!

<sup>6</sup> Dios nakchaxduw kaenanula pejbichaxan, me-ama japon nejchaxoel japabichaxan

nakchaxduiliajwa japon tanbichliajwas. Samata, xatis xabich pachaems wut asew jiw naewhajnalialjwas Dios pejjamechan, jatis wut, ¡Dios xanaboejaxaes naewhajnalialjwas asew jiw! <sup>7</sup> Xatisbej xabich pachaems wut kajachawaesliajwas asew jiw, naexasiti Jesús pejwajan, ¡japi jiw kajachawaesaxaes! Atonbej xabich pachaem wut chiekal chanaekabuanaliajwa Jesús pejwajan naexasiti, ¡japon aton nej chanaekabwane asew jiw! <sup>8</sup> Asanbej xabich pachaem wut chiekal naewhajnalialjwa asew jiw japi kaes Dios chiekal xanaboejalialjwa, ¡japon aton chiekal nej naewhajne' japi jiw nejchachaemlialjwa! Asanbej xabich pachaem wut kajachawaesliajwa pejewtat jiw kijilpi, ¡japon aton nej kajachawaesfula japi jiw! Asanbej xabich pachaem wut jiw chiekal tato'lalialjwa, ¡japon aton chiekal jiw nej tato'le' japi jiw! Asanbej xabich pachaem wut asew jiw kajachawaesfulalialjwa, xabich wewe'paspi, ¡japon aton xabich nej kajachawaesfula nejchachaemlaxtat!

*Machiyaxaelpox Jesús pejwajan duil wut*

<sup>9</sup> ¡Nakaewa chiekal nanejxasinkafulde! ¡Xamal nabej nejxasinke'bej pachaema-elpoxan! ¡Isfulde pachaempoxan! <sup>10</sup> Nejxasinkam wut asew jiw, Jesús pejwajan naexasiti, ¡japi nejxasinkafulde! Me-ama nakoewkola nejxasinkam wut, ¡jaamsfulde asew jiwliajwabej! Japi jiwliajwa nejchaxoelam wut, ¡nejchaxoelde: “Japi jiw kaes pejme pachaem. Me-ama xan, jachi-elpi” —amde, nejchaxoelam wut! ¡Nakaewa nasitaembej!

11 ¡Nabichliajwam nabej kiwesle'! Nabistam wut Dios pejbichax, ¡nabichfulde puexa nejpamamaxtat!

12 Asamatkoi duilaxaelam pomatkoicha Diosxotse. Samata, ¡nejchachaemlafulde! Nabijatam wut asew jiw pijaxtat, naexasitam xot Jesús pejwñajan, ¡boejtaliasfulde! Ja-am wut, ¡pomatkoicha Dios kawñajnaaelam! ¡Nabej buxkofe' Dios kawñajnafulampox!

13 ¡Dios naexasiti kajachawaesfulde wewe'pasproxanliajwa! Japi, naexasiti Jesús pejwñajan, pat wuti nejbachanxot, ¡chiekal bu'kulim!

14 Nabijatam wut, jiw babejchow babijax is xot xamalliajwa, naewñajnam xot Jesús pejwñajan, Dios kawñajnam wut, ¡ñam-amde: “Dios, ¡xam japi jiw kajachawae'e tapasasamatas babijaxan” — amde! Dios kawñajnam wut japi jiwliajwa, ¡nabej nejchaxoele': “Japi nej tapasas babijaxan xam kastikaliajwam japi jiw!” —nabej aeche', Dios kawñajnam wut!

15 Asew jiw nejchachaemil wut, ¡xamalbej nejchachaemilde, japi suapich! Asew jiw now wut asaxliajwa, ¡xamalbej noem, japi jiw suapich!

16 ¡Kaenejchaxoelaxde, asew jiw suapich, chiekal duilaliajwam! Xamal nejchaxoelam wut, ¡nejchaxoelde: “Xan kaes pachaeman. Me-ama asew jiw kijila, xan jachi-enil” —amde! ¡Nabej nejchaxoele'bej: “Xan kaes pejme matabijtax. Me-ama asew jiw, xan jachi-enil” —nabej aeche', nejchaxoelam wut!

17 Asew jiw babijaxan is wut xamalliajwa, xamallax nabej is babijax japi jiwliajwa wetawiasli-  
ajwam japox babijax! Isfulde pachaempoxan  
puexa jiwliajwa! 18 Ma ixajupamdo', do japox-  
tat xamal isfulde chiekal duilaliajwam, asew jiw  
suaapich! 19 Takoew, xamal nejxasinkaxpim, asew  
jiw babijax is wut xamalliajwa, xamal nabej is  
babijaxan japiliajwa! Japoxliajwa nejchaxoelam  
wut, nejchaxoelde: "Asamatkoi japi Dios kastikax-  
aes, babijax is xoti xanliajwa" —amde, nejchaxoe-  
lam wut! Japox Dios pejjamechan, chajia lelspos,  
jum-aech wut, Dios jum-aech: "Jiw babijaxan ispi  
asew jiwliajwa, japi jiw xan tajut kastikaxaelen"  
—aech Dios, jum-aech wut. 20 Dios pejjamechan,  
chajia lelspos, jum-aech wutbej, Dios jum-aech:  
"Nadaelman litaxaela wut, chaxdu'e naxaeyax! O,  
minsila wutbejpon, chaxdu'e mint! Japoxan isam  
wut, nadaelman pajut xabich padalaxael, majt  
babijax is xoton xamalliajwa" —aech Dios, jum-  
aech wut. 21 Asew jiw babijaxan is wut xamallia-  
jwa, boejtalia'e! Kamta nalalaximilbej babijax isas-  
amatam japi jiwliajwa! Isfulde pachaempoxan  
japi jiw babijaxan ispiliajwa xamalliajwa! Ja-  
am wut, pachaempoxan isaxtat malechaxaelam  
babijax.

## 13

1 Puexa jiw chiekal naexasisaxael jiw tato'la.  
Japi jiw tato'al, Dios tapaeis xot. Dios tapaeis  
xotbej, japi xajup puexa jiw tato'laliajwa.  
2 Samata, jiw naexasis-el wut jiw tato'la,  
japibej sitae-el Dios tato'alpox. Naexasis-el  
wuti, asamatkoi Dios kastikaxaes japi jiw.

<sup>3</sup> Jiw, ispi pachaempoxan, japi pejlewla-el jiw tato'alpiliajwa. Pe babijaxan ispi, japi jiw lax pejlewla jiw tato'alpiliajwa. Xamal nejlewlasamata jiw tato'alpiliajwa, ¡isfulde pachaempoxan! Ja-am wut, jiw tato'alpi nejchachaemlaxael xamalliajwa. <sup>4</sup> Japi tato'al jiw, Dios tapaeis xot puexa xamalxot chiekal pachaemaliajwa. Babijaxan isam wut, xamal nejlew laxael jiw tato'alpiliajwa. Jiw tato'alpi, japi Dios tapaeis jiw kastikaliajwa, babijaxan ispi. <sup>5</sup> Samata, ¡chiekal naexasisfulde jiw tato'alpi! Xamal japi chiekal naexasitam wut, nejchaxoelam wut, ¡nabej nejchaxoele': "Jiw tato'alpi xan naexasitx nakastikasamata" —nabej aeche', nejchaxoelam wut! ¡Nejchaxoelafuldex: "Jiw tato'alpi naexasisaxaelen, pachaem xot naexasisliajwan" —amsfulde, nejchaxoelam wut! <sup>6</sup> Samata, xamal impuesto motam jiw tato'alpi chiekal xanbichfulaliajwa japaplata, me-ama Dios tato'las japi.

<sup>7</sup> Samata, jiw tato'alpi kaenanala dewatam wut, ¡mo'e! Nabistpi jiw tato'alpiliajwa, japibej xamal mat-omwuljow wut, impuesto dewatampoxan, ¡mo'e japox impuesto! Asew jiw, sitaenspi, ¡japibej xamal sitaem!

<sup>8</sup> ¡Xamal asew jiw nabej dewas! ¡Xamallax asew jiw nejxasinkafulde! Xatis asew jiw nejxasinkas wut, jatis wut, kaewutje naexasich puexa Moisés chajia lelpox. <sup>9</sup> Moisés chajia lelpox ¡am-aech: "Xam nijowponam, ¡asew watho' nabej bu'moejs! ¡Nabej be'bej asew jiw! ¡Nabej natkowe'bej asew jiw pejew! ¡Nabej nejxasinke'bej asew pejew nejewliajwa!" —aech asafutat Moisés chajia lelpox. Moisés



lelbej asaw<sub>h</sub>ajan. Puxa japaw<sub>h</sub>ajanxot j<sub>h</sub>m-aechpoxan, j<sub>h</sub>mchiliajwa ampox: “¡Asew jiw nejxasinkde! Me-ama xamal najut nanejxasinkam w<sub>h</sub>t, ¡ja-amsfulde asew jiwliajwa!” —chiliajwa japox. <sup>10</sup> Jiw nejxasink w<sub>h</sub>t asew jiw, japi jiw is-el babijaxan asew jiwliajwa. Samata, japi jiw ja-aech w<sub>h</sub>t, kaew<sub>h</sub>tje naexasiti Moisés chajia lelpox j<sub>h</sub>m-aechpoxbej.

<sup>11</sup> Xatis asew jiw nejxasinkaxaes, mox paw<sub>h</sub>ajna xot Jesucristo pejme pasliajwa ampathatasik. Samata, ¡xamal nabej b<sub>h</sub>xkofe' jiw naew<sub>h</sub>ajnalialjwam wajpaklon Jesucristo pejw<sub>h</sub>ajan! Akasestat naexasich w<sub>h</sub>t Jesús pejw<sub>h</sub>ajan, nejchaxoels: “Jesucristo makach bej pasaxilbej” —tis, nejchaxoels w<sub>h</sub>t. Amw<sub>h</sub>tjel mox paw<sub>h</sub>ajna Jesucristo pejme pasliajwa ampathatasik, xatis nakb<sub>h</sub>flaeliajwa Dios poxase. <sup>12</sup> Mox paw<sub>h</sub>ajna matkoiyan toepaliajwa, xatis ampathatat laelpaspisliajwa. Moxsfulbej matkoi xatis duilaliajwaspox Diosxotse. Samata, kofaxaes babijaxan isaspoxan. Amw<sub>h</sub>tlax isfulaxaes Dios nejxasinkpoxan. <sup>13</sup> Babijaxan isaxisal chiekal duilaliajwas. Samata, feyaxisal saxa naksaxsliajwa. Najajinaxisalbej fiestanxot. B<sub>h</sub>'moejsaxisalbej asew watho'. Nab<sub>h</sub>'moejsaxisalbej nakaepoejwa. Kaes asaxan babijaxan isaxisalbej. Nabeyaxisalbej. Nusasiowlaxisalbej asew jiwliajwa. <sup>14</sup> Xatislax wajpaklon Jesucristo pejjiws xot, chiekal duilaxaes, japon nakkajachawaesaxael xot. Isaxisal babijaxan, wajut isasiaspoxan.

# 14

## *Nakaewa najumchiyaxilpox babejamechan Jesús pejwñajan naexasiti*

<sup>1</sup> Asew jiw, naexasiti Jesús pejwñajan, japi jiw chiekal Dios xanaboeja-elpifuk. ¡Japi jiw xamal chiekal bu'kúlim, pat wúti xamal natamejlamxot! ¡Japi suapich, nabej nabunlos Jesús pejwñajan naexasitampoxliajwa, japi kaenejchaxoelaxa-el wúti japawñajanliajwa!

<sup>2</sup> Asew, naexasiti Jesús pejwñajan, chiekal matabija puexa naxaeyaxan pachaempox xaeliajwa. Asew jiw japixotlax chiekal matabija-elfuk xatis naewñajnaspoxan. Samata, japi jumch nejchaxoel: “Xan nejmachpawi xaelx wúti, Diosliajwa pachaemaxinil” — aechi, nejchaxoel wúti. Ja-aech wúti, japi jiw nejmachpawi xae-el. <sup>3</sup> Nejmachnaxaeyaxan xaelpon, nej nejchaxoela-ele': “Xan kaes pachaeman. Me-ama nejmachnaxaeyaxan xae-elpon, xan jachi-enil” —nej chi-ele'pon, nejchaxoel wúti nejmachnaxaeyaxan xae-elponliajwa. Nejmachnaxaeyaxan xae-elponbej nej nejchaxoela-ele': “Xan kaes pachaeman. Me-ama nejmachnaxaeyaxan xaelpon, jachi-enil” —nej chi-ele'pon, nejmachnaxaeyaxan xaelponliajwa, japon Dios makafich xot Dios pejatonliajwa. <sup>4</sup> ¿Achanamkat xam babejjamechan jumchiliajwam nabistpon asanliajwa? Pejpaklon japon jumchiyaxaes, chiekal nabist wúti, o, chiekal nabich-el wúton. Dios xajup kajachawaesliajwa nabistpon Diosliajwa.

<sup>5</sup> Asew jiw, naexasiti Jesús pejw<sup>u</sup>ajan, japi j<sup>u</sup>m-aech: “Ampamatkoi kaes pejme sitaeyaxaes, me-ama asamatkoiyan, jachi-el xot” —aechpi. Pe asew jiw j<sup>u</sup>m-aechpi: “Puexa matkoiyan chiekal naj<sup>u</sup>pasitaeyaxaes” —aechpi. Kaematkoi kaes pejme sitaenpi, japi kaenan<sup>u</sup>la chiekal matabijaxael, ma-aech xot kaes pejme sitaenpi japamatkoi. Asew jiw j<sup>u</sup>m-aechpi-bej: “Puexa matkoiyan chiekal naj<sup>u</sup>p” —aechpi, japi jiw-bej chiekal matabijaxael, ma-aech xot naj<sup>u</sup>pasitaenpi japamatkoiyan.

<sup>6</sup> Napatamatkoi w<sup>u</sup>t, aton nabich-el Dios sitaeliajwa. Nejmachnaxaeyaxan xaelpon, japoxan japon xael w<sup>u</sup>t, gracias-aechpon Diosliajwa. Asan, nejmachnaxaeyaxan xae-elpon-bej, japoxan xae-elpon Diosliajwa. Japon-bej asanaxaeyax xael w<sup>u</sup>t, gracias-aechon Diosliajwa.

<sup>7</sup> Laelpas w<sup>u</sup>t, wajut isasiaspoxan isaxisal. Xatis t<sup>u</sup>ps w<sup>u</sup>t-bej, t<sup>u</sup>paxisal, wajut nejxasinkas xot t<sup>u</sup>paliajwas. <sup>8</sup> Laelpas w<sup>u</sup>t-lax, isfulaxaes Dios nejxasinkpoxan. T<sup>u</sup>ps w<sup>u</sup>t-bej, t<sup>u</sup>paxaes Diosliajwa. Laelpas w<sup>u</sup>t, nabichaxaes Diosliajwa. Baxael, t<sup>u</sup>ps w<sup>u</sup>t-bej, nakiowa Dios pejjiwswfulaxaes. <sup>9</sup> Cristo t<sup>u</sup>p w<sup>u</sup>t cruztat, moton puexa jiw babijaxan ispoxan-liajwa. Do jaw<sup>u</sup>x, mat-ech-bejpon pejme dukaliajwa. Ja-aech Cristo puexa jiw-paklonaliajwa, jiw t<sup>u</sup>piliajwa, laelpiliajwabej.

<sup>10</sup> Samata, babejjamechan j<sup>u</sup>mchiyaximil asew jiwliajwa, naexasiti Jesús pejw<sup>u</sup>ajan. Nejchaxoelaximil-bej japiliajwa: “Ampi jiw pachaema-el Diosliajwa” —chiyaximil, nejchaxoelam w<sup>u</sup>t. Asamatkoi puexa xatis nuilaxaes Dios pejw<sup>u</sup>ajnalel. Jaw<sup>u</sup>t xatis kaenan<sup>u</sup>la Dios nakj<sup>u</sup>mchiyaxael: “Xam

nabistampoxan xanliajwa xabich pachaem” —chiyaxaelon kaenanuła xatisliajwa. O, Dios jumchiyaxael xatisliajwa: “Xam nabistampoxan xanliajwa, japoxan pachaema-el” —chiyaxaelon xatisliajwa. <sup>11</sup> Dios pejjamechan, chajia lelsprox, jum-aech Dios jum-aechprox:

“Xan pomatkoichaxaelen. Jum-an diachwujnakolaxprox. Asamatkoi puexa jiw brixtat nuilaxael xan tajwujnalel nasitaeliajwa. Jawut puexa jiw jumchiyaxael xanliajwa: ‘Diachwujnakolax xam Dios xabich mamnikam’ —chiyaxael puexa jiw xanliajwa” —aech Dios jum-aechprox.

<sup>12</sup> Diachwujnakolax japox jachiyaxael asamatkoi. Kaenanuła xatis Dios pejwujnalel wajut jumchiyaxaes puexa isasproxanliajwa.

*Babijax isaxilprox Jesús pejwujajan naexasiti, asew jiw, Jesús pejwujajan naexasiti, isasamatabej, japox babijax*

<sup>13</sup> Asamatkoi, xatis Dios wujnalels wut, kaenanuła wajut jumchiyaxaes puexa isasproxanliajwa ampathatat. Samata, xatis jumchiyaxisal asew jiwliajwa, japi naexasiti Jesús pejwujajan: “Japi jiw duil wut, chiekal duila-el. Babijaxan ispi” —chiyaxisal. Xatislax kaenanuła wajutliajwa chiekal nejchaxoelaxaes: “Xan babijax isaxinil asew jiwbej, Jesús pejwujajan naexasiti, isasamata babijax, kofasamatabejpi Jesús pejwujajan naexasitprox” —chiyaxaes, nejchaxoels wut. <sup>14</sup> Xan Jesús pejwujajan naexasitx xot, matabijtax, Dios

natapaei nejmachnaxaeyaxan xaeliajwan. Pelax asan nejchaxoel wut naxaeyaxanliajwa: “Asew jiw nakaechafiatproxan, japoxanbej Dios xan nakaechtapae-el. Pe nakiowa, japoxan xaelx wut, diachwujnakolax xan chawulatajbu'wujnaxaelen Diosliajwa” — aech wuton, ijapon aton japanaxaeyaxan nej xae-ele', kaechafiach xoton! <sup>15</sup> Xamal nejxasinkam wut asew, Jesús pejwujajan naexasiti, japi suapich, xaelam wut, inabej itfuxabijs japi jum-aechproxliajwa: “Japox xaeliajwa pachaema-el” —aechproxliajwa! Pe nakiowa, japox itfuxabijtam wut, ja-aech wut, japi jiw xaeyaxaelbej japanaxaeyax. Do jawut, xaeyax kaechatoel wut, nejchaxoelaxaeli: “Xan tajbu'wujajan Diosliajwa. Samata, nafa'axaelen Diosliajwa” —chiyaxaeli, nejchaxoel wut. Cristo tujap japiajwa. Samata, japox nabej xae'! <sup>16</sup> Xamal matabijam, isaxaelampox pachaem wut, pe asew jiw jum-aech wut japoxliajwa: “Japox pachaema-el isliajwas” —aech wut, ja-aech wut, ijapox xamal nabej is! Xamal japox nakiowa isam wut, japi jiw jumchiyaxael babejjamechan xamalliajwa. <sup>17</sup> Xatis naexasich xot Jesús pejwujajan, naexasich Dios naktato'alpox. Xatisbej xabich nejchaxoelaxisal xaeyaxaesproxliajwa, feyaxaesproxliajwabej. Pelax xatis nejchaxoelaxaes isliajwas pachaempoxan Espiritu Santo pijaxtat pachaemaliajwas Diosliajwa, nejchachaemlaliajwasbej. <sup>18</sup> Xatis isas wut pachaempoxan, diachwujnakolax nabistas Cristoliajwa. Samata, Dios nejchachaemlaxael xatisliajwa. Asew jiw naksitaeyaxaelbej.

19 Samata, kaenejchaxoelaxaes chiekal duilaliajwas, a sew jiw s̄apich. Nakaewa nakajachawaesfulaxaesbej kaes mamnikaliajwa wajxanaboejaxan Diosliajwa. <sup>20</sup> ¡A sew jiw, nabej tabejs Jesús pejw̄ajan naexasiti naxaeyax xaelampoxtat! Diachw̄ajnakolax puexa naxaeyaxan pachaem xatis xaeliajwas. Pe a sew nejchaxoel w̄ut: “Ampoxan xaes w̄ut, xatis wajb̄u'w̄ajnaxaes Diosliajwa” —aech w̄uti, ¡nawoesa nabej xaetis! Japi jiw itfuxabijtas w̄ut, ja-aech w̄ut, japi jiw bej xaeyaxaelbej japox naxaeyax. <sup>21</sup> Samata, a sew jiw, Jesús pejw̄ajan naexasiti, japox xae-el w̄uti, o, kilewla w̄utbejpi jachaliajwa, kaes nawoesa pachaem japox naxaeyax xae-elaliajwam, fe-elaliajwambej. Pe nakiowa, itfuxabijtam w̄ut, ja-am w̄ut, japi jiw xaeyaxael japox naxaeyax. O, feyaxaelbejpi vinomin. Ja-aech w̄ut, japoxliajwa nejchaxoelaxaeli: “Xan babijax isx Diosliajwa” —chiyaxaeli, nejchaxoel w̄ut. <sup>22</sup> Xamal nejchaxoelam w̄ut: “Nejmachnaxaeyaxan pachaem xaeliajwas” —am w̄ut, a sew jiw, nejmachnaxaeyax xae-elpiliajwa, japox naxaeyax xaelam w̄ut, ¡xam najut nabej kaechjalpae! Dios matabijt puexa nejchaxoelampoxan. Jesús pejw̄ajan naexasiti, japi nejchaxoel w̄ut: “Xan babijax is-enil Diosliajwa” —aech w̄uti, nejchaxoel w̄ut, japi jiw xabich nejchachaemil Diosliajwa. <sup>23</sup> Jesús pejw̄ajan naexasitpon nejchaxoel w̄ut: “Diachw̄ajnakolax, xan pawit xaelx w̄ut, tajb̄u'w̄ajnaxaelen Diosliajwa. Samata, kaes pachaemaxael xae-elaliajwan” —aech w̄ut japon

aton, pe nakiowa, xael wut, diachwujnakolax japon aton pejbwujnaxael Diosliajwa. Ja-aech wut, japon isaxil pachaempox Diosliajwa. Japon aton nejchaxoel wutbej asaxliajwa: “Japox isx wut, xan tajbwujnaxael Diosliajwa” —aech wuton, pe nakiowa, is wut, diachwujnakolax japon aton pejbwujnaxael Diosliajwa.

## 15

*Jesús pejwujajan naexasiti isaxaelpox pachaempoxan a sew jiwliajwa*

<sup>1</sup> Xatis, Dios chiekal xanaboejaspis, kajachawaesaxaes a sew jiw, japi chiekal xanaboeja-elpi Dios. Isaxisalbej wajut nejxasinkspoxan. <sup>2</sup> Xatislax isaxaes pachaempoxan a sew jiwliajwa, japi naexasiti Jesús pejwujajan. Japoxan isaxaes japi jiw kaes pejme Dios xanaboejaliajwa. <sup>3</sup> Cristobej ampathatat wut, is-el pajut nejxasinkpoxan. Pelax japon is Dios nejxasinkpoxan. Dios pejjamechan, chajia lelspx, jum-aech Cristo jumchiyaxaelpox Diosliajwa: “Jiw jum-aech wut babejjamechan xanliajwa, japi japoxan jum-aech wut, jum-aechbejpi xamliajwa” —aechox. <sup>4</sup> Dios pejjamechan, chajia lelspx, jum-aech xatis chiekal matabijaliajwas. Samata, xatis Dios pejjamechan naexasich xot, nabijatas wut, nakiowa Dios chiekal xanaboejaxaes. Nejchaxoelaxaesbej: “Dios diachwujnakolax isaxael jumdutox nakbwujweliajwa” —chiyaxaes, wajut nejchaxoels wut. <sup>5</sup> A sew jiw xatis naktaliat wut, ja-aech wut, Dios

nakkajachawaet wajxanaboejxan kaes mamnikaliajwa japonliajwa. Samata, Dios kawajax xamal kajachawaesliajwa chiekal duilaliajwam. Me-ama Jesucristo ampathatat chiekal duk, xamalbej jachiliajwam. <sup>6</sup> Samata, xamal kaenejchaxoelaxaelam jumchiliajwam Diosliajwa, wajpaklon Jesucristo pax: “Xam xabich pachaemam” —chiliajwam Diosliajwa.

*Chimiauajan, Jesús pejuajan, jumtaenpox judíos-elpi*

<sup>7</sup> ¡Nakaewa chiekal nabukulim! Me-ama Jesucristo xamal chiekal bukula, jja-amde! Xamal ja-am wat, asew jiw sitaeyaxael Dios. <sup>8</sup> Xan xamal jum-an. Jesucristo fuloek ampathatlelsik kajachawaesliajwa judíos. Samata, japox patliso, Dios chajia jumdutpox judíos pejuajnapijiwliajwa. Ja-aech wat, puexa jiw chiekal matabija, Dios nejkiowa-el chajia jumdutpox. <sup>9</sup> Jesucristo fuloekbej buwelija judíos-elpi, japi jumchiliajwa Diosliajwa: “Xam xabich pachaemam” —chiliajwa, Dios beltaens xoti babijaxan ispoxanliajwa. Japoxliajwa Dios pejjamechan, chajia lespox, jum-aech Jesucristo jumchiyaxaelpox pax Dios jumtaeliajwa:

“Potajnanchanpijwliajwa, judíos-elpiliajwa, jumchiyaxaelen: ‘Dios xabich pachaem’ —chiyaxaelen xamliajwa. Jajuiyaxaelenbej japi matabijaliajwa, xam xabich pachaemamponam” —aech Dios pejjamechan, chajia lespox, Jesucristo jumchiyaxaelpox pax Diosliajwa.



10 Dios pejjamechan, chajia lelsbox, asafutxot jum-aechbej:

“Xamal asatujnuchanpijwam, judíos-emilpim, nejchachaemilde, judíos sɯapich, japi Dios pejji-wpi!” —aechox Dios pejjamechan, chajia lelsbox.

11 Dios pejjamechan, chajia lelsbox, jum-aech wut, jum-aechbejbox:

“iPuexa xamal, asatujnuchanpijwam, judíos-emilpim, Diosliajwa jum-amde: ‘Dios, xam xabich pachaemam’ —amde!” —aech Dios pejjamechan, chajia lelsbox.

12 Profeta Isaías chajia lel wut, lelbejpon Jesús nalaelsaxaelpox ampathatat:

“Japon nalaelt wut, Isaí pamonaxael. Japon pati'in wut, potujnucha jiw tato'laxael. Jiw jumchiyaxael japonliajwa: ‘Kaenanɯla xatis nakbɯ'weyaxaelon’ —chiyaxael jiw japonliajwa” —aech profeta Isaías chajia lelpox Jesúsliajwa.

13 Xatis matabijas Dios nakbɯ'weyaxaelpox Jesucristo pijaxtat. Samata, Dios kawujnax xamal kajachawaesliajwa nejchachaemlialiajwam Espíritu Santo pijaxtat, xamal wujnawesfulam wut Dios isliajwa pachaempoxan xamalliajwa. Xan Dios kawujnaxbej xamal chiekal duilaliajwam, asew jiw sɯapich, Dios chiekal xanaboejam xot.

14 Takoew, xan matabijtax, xamal asew jiw xabich kajachawaetam. Matabijtaxbej, xamal xabich matabijam Dios. Xamalbej matabijam nakaewa chiekal nanaewujnaliajwam.

15 Ampacartaxot lelx asawujan, xamal

nejkiowasamatam majt chajia matabijamw<sub>u</sub>ajan. Ja-an, Dios nato'a xot isliajwan japox. <sup>16</sup> Dios nato'a Jesucristo pejw<sub>u</sub>ajan naew<sub>u</sub>ajnalajwan judíos-elpi. Samata, naew<sub>u</sub>ajna<sub>x</sub> japaw<sub>u</sub>ajan, chimiaw<sub>u</sub>ajan, japibej Dios bu'welajwas. Amw<sub>u</sub>tjel judíos-elpi kajachawaech xot Espíritu Santo, japi Jesús pejjiwlisi. Samata, Dios nejchachaemil japi jiwliajwa.

<sup>17</sup> Xan nabistax w<sub>u</sub>t Jesucristoliajwa, japon chiekal nakajachawaesful. Samata, nejchaxoelx: “Xan isxpoxan Diosliajwa, xabich pachaem” — an, nejchaxoelx w<sub>u</sub>t. <sup>18</sup> Wajpaklon Jesucristo chiekal nakajachawaesful naew<sub>u</sub>ajnalajwan judíos-elpi, japibej naexaxisliajwa Dios. Xan jum-anpoxan japi najumtaen w<sub>u</sub>t, taen w<sub>u</sub>tbejpi isxpoxan, japibej naexasit Jesús t<sub>u</sub>ppox japiliajwa. Samata, xan japoxanliajwa chiekal chapaeix asew jiwliajwa. <sup>19</sup> Espíritu Santo pijaxtat xan koexaxan isxbej. Amw<sub>u</sub>tjel toetx pot<sub>u</sub>ajnu<sub>u</sub>cha naew<sub>u</sub>ajna<sub>x</sub>prox chimiaw<sub>u</sub>ajan, Jesucristo pejw<sub>u</sub>ajan, japon nakbu'wiapon. Xan majt t<sub>u</sub>adutx naew<sub>u</sub>ajna<sub>x</sub> Jerusalén paklowaxxot. Do jaw<sub>u</sub>x, naew<sub>u</sub>ajna<sub>x</sub> japaw<sub>u</sub>ajan asa t<sub>u</sub>ajnu<sub>u</sub>chanlelbej. Iliria t<sub>u</sub>ajnu<sub>u</sub> poxdaxbej naew<sub>u</sub>ajnalajwan. <sup>20</sup> Jesús pejw<sub>u</sub>ajan jumtae-elpi, japapaklowaxanpijiw poxadaxbej, japi naew<sub>u</sub>ajnalajwan Jesús pejw<sub>u</sub>ajan, Dios bu'welajwasbejpi. Asew jiw w<sub>u</sub>ajna chajia naew<sub>u</sub>ajanxot, japapaklowaxanxot xan nejxasinka-enil naew<sub>u</sub>ajnalajwan Jesús pejw<sub>u</sub>ajan. <sup>21</sup> Xan naew<sub>u</sub>ajna<sub>x</sub> w<sub>u</sub>t Jesús pejw<sub>u</sub>ajan, patlisox, me-ama Dios pejjamechan, chajia lelsprox, jum-aech w<sub>u</sub>t, jum-aechox:

“Jiw jumtae-elpi Dios to'axoekspon pejwɥajan, japi jiw jumtaeyaxael japon pejwɥajan. Jiw naewɥajna-esalpi japaɥajan, japi jiw naewɥajnaes japon pejwɥajan” —aech chajia lelsrox.

*Pablo nejchaxoelrox taeliajwapon Roma paklowaxpijiw*

22-23 Pin-iaveces xamal xabich taesian. Pe xabich potɥajɥcha naewɥajna xot Jesús pejwɥajan, xamal taeyaxinilɥk. Mawɥtkal tajbichax chiekal toetx. Samata, xamal taeyaxaelen. 24 España tɥajɥ poxaxaechan wɥt, majt xamal taeflaxaelen. Do jawɥt, xabich nejchachaemlaxaes, xamal taeflax wɥt. Jawɥx nakajachawaesaxaelam, España tɥajɥ poxaliajwan wɥt. 25 Pe amwɥt, xan majt xalaeyaxaelen ofrenda Jerusalén paklowaxpijiw poxade, japi naexasiti Jesús pejwɥajan. 26 Asew, naexasiti Jesús pejwɥajan, Macedonia tɥajɥpijiw, Acaya tɥajɥpijiwbej, plata owa ofrenda xato'aliajwa Jerusalén paklowaxpijiw poxade kijilaliajwa, japi naexasiti Jesús pejwɥajan. 27 Macedonia tɥajɥpijiw, Acaya tɥajɥpijiwbej, japi judíos-el. Pe nakiowa, japi nakaewa najɥm-aech: “Ofrenda xato'axaes judíosliajwa, japi naexasiti Jesús pejwɥajan, japi Jerusalén paklowaxpijiw, kajachawaesliajwas. Japi matxoela matabija Jesucristo pejwɥajan Dios bu'welialjwas. Amwɥtjel xatisbej japi pijaxtat matabijas Jesús pejwɥajan. Samata, judíos kajachawaesaxaes wewe'paspoxanliajwa” —aechi nakaewaliajwa. Samata, ofrenda owapi.

28 Samata, xan majt xalaeyaxaechan ofrenda Jerusalén paklowax poxade. Do jawux, España tujnux poxada wut, majt pasaxaelen xamalxot. Do jawux, España poxaxaelen. 29 Xan patx wut xamalxot, chapaeyaxaelen wut Cristo puexa nakajachawaetpoxanliajwa, xabich nejchachaemlaxaelam.

30 Takoew, xamal naexasitam wajpaklon Jesucristo pejwujajan. Xatis nakaewa nanejxasinkas Espíritu Santo pijaxtat. Samata, xan jum-an xamal Dios kawujajnalijwam Dios nakajachawaesliajwa. 31 ¡Dios kawujajande xan japon nakajachawaesliajwa asew judíos, Jesús pejwujajan naexasis-eli, babijax isasamata xanliajwa, Judea tujnuxotx wut! ¡Dios kawujajandebej Jerusalén paklowaxpijiw xanejchachaemlaliajwa ofrenda, xalaeyaxaelenpi japi jiwliajwa! 32 ¡Dios kawujajandebej xanliajwa xabich nejchachaemlaliajwan, chiekal damlathalaliajwanbej, xamalxot patx wut! 33 Xan Dios kawujajnax puexa xamal Dios kajachawaesliajwa chiekal duilaliajwam, asew jiw suapich. ¡Jasox nej ja-aече'!

## 16

*Pablo saludos xato'apox Roma paklowaxpijiwliajwa, Jesús pejwujajan naexasitiliajwa*

1 Wajkoewow Febe pa'a wut xamalxot, ¡chiekal bu'kulimpow! Japow kajachawaet Cencrea paklowaxpijiw, Jesús pejwujajan naexasiti. 2 Xamalxot pa'a wutow, ¡chiekal bu'kulimpow, Jesús pejwujajan naexasit xotow! Me-ama xatis chiekal nabu'kulas

wut, ija-amdepow, majt japow kajachawaet xotow naexasiti Jesús pejwɥajan! Xanbej japow nakajachawaet. Samata, ijapow kajachawae'e wewe'paspoخانliajwa!

<sup>3</sup> ¡Nawesaludam Aquila! ¡Nawesaludambej japon pijow, japow pawɯl Prisca! Japi nabist Jesucristo pejbichax, xan sɯapich.

<sup>4</sup> Asew jiw xan naboesia wut, japon Aquila, pijow Prisca sɯapich, nakajachawaet. Japi nakajachawaet wut, japiliajwabej xabich chachoel, xan nakajachawaet xoti weliajwan. Samata, xan gracias-an japiliajwa. Xan kaenan japox jamchi-enil. Puexa naexasiti Jesús pejwɥajan, judíos-elpi, japibej gracias-aech Aquilaliajwa, Priscaliajwabej.

<sup>5</sup> Asew, naexasiti Jesús pejwɥajan, Aquila pejbaxot culto is wut natamejapi, ijapi jiwbej nawesaludam! ¡Nawesaludambej tajnachalan Epeneto! Japon matxoela naexasit Jesús pejwɥajan, puexa Asia tɯajɯpijiw naexasis-el wutfɯk Jesús pejwɥajan.

<sup>6</sup> ¡Nawesaludambej wajkoewow María! Japow xabich nabist Dios pejbichax xamalxot.

<sup>7</sup> ¡Nawesaludambej Andrónico, Junias sɯapich! Japi judíos. Me-ama xan, ja-aechi. Asew jiw xan najia wut jiw jebatat, jawut japibej jias. Japi chiekal matabijas apóstoles. Japi kolenje naexasit Jesús pejwɥajan, xan naexasis-enil wutfɯk Jesús pejwɥajan.

<sup>8</sup> ¡Nawesaludambej tajnachalan Ampliato! Japonbej naexasit Jesús pejwɥajan.

<sup>9</sup> ¡Nawesaludambej Urbano! Japonbej nabist Jesucristo pijax bichax. ¡Nawesaludambej tajnachalan Estaquis!

<sup>10</sup> ¡Nawesaludambej

Apeles! Japon xabich nabijat, naexasit xot Jesús pejwɥajan. Pe kofs-elpon naexasitpox Jesús pejwɥajan. ¡Nawesaludambej Aristóbulo pejjiw! <sup>11</sup> ¡Nawesaludambej Herodión! Japonbej judío-aton. ¡Nawesaludambej Narciso pejjiw, japi naexasiti Jesús pejwɥajan. <sup>12</sup> ¡Nawesaludambej wajkoew Trifena, Trifosabej! Japi watho' nabist Dios pijax bichax! ¡Nawesaludambej wajkoewow Pérsida! Japow xabich nabist Dios pijax bichax. <sup>13</sup> ¡Nawesaludambej Rufo! Japon xabich matabijtas naexasiti Jesús pejwɥajan, chiekal naexasit xoton Jesús pejwɥajan. ¡Nawesaludambej japon pen! Japow, me-ama taj-en wɥt, ja-aechow xanliajwa. <sup>14</sup> ¡Nawesaludambej Asíncrito, Flegontebej, Hermesbej, Patrobasbej, Hermasbej! ¡Nawesaludambej asew japixoti, japi naexasiti Jesús pejwɥajan! <sup>15</sup> ¡Nawesaludambej Filólogo, wajkoewow Juliabej! ¡Nawesaludambej Nereo, japon pakoewow Olimpasbej! ¡Nawesaludambej asew japixoti, japi naexasiti Jesús pejwɥajan!

<sup>16</sup> Xamal, naexasitampim Jesús pejwɥajan, nakaewa nasaludam wɥt, ¡nakijacham! Puexa naexasiti Jesús pejwɥajan xato'a saludos xamalliajwa.

<sup>17</sup> Takoew, xan jum-an xamal najut chiekal natataeflaliajwam asew jiw naekichachajbasamata xamal. Japi naewɥajanpox najɥpa-el xamal naexasitamwɥajan. Japi jiw naewɥajan wɥt, jiw kaenejchaxoelaxa-el nakaewaliajwa japi jiw pejnaewɥajnaxtat. Samata, japi naewɥajan wɥt, ¡nabej naewes! ¡Japixot xamal nadiajim!

<sup>18</sup> Japi nabich-el wajpaklon Jesucristoliajwa.

Japilax pajut isasiapoxan is. Japi naewuajanpox, me-ama diachwujnakolax wut, ja-aechox. Pe diachwujnakolaxa-el japi naewuajanpox. Japi jiw naekichachajbamaenkbej. <sup>19</sup> Puexa jiw chiekal matabija xamal naexasitampox Jesús pejwujajan. Samata, xan nejchachaemlax. Nejxasinkax xamal matabijaliajwam isliajwam pachaempoxan. ¡Nabey tapae' asey jiw xamal naekichachajbaliajwa isliajwambej babijaxan! <sup>20</sup> Dios nakkajachawaet kaenejchaxoelaxliajwas chiekal duilaliajwas. Dios kajachawaesaxaelbej xamal kamta malechaliajwam Satanás. Xan wajpaklon Jesucristo kawujajnax japon xamal kajachawaesliajwa.

<sup>21</sup> Timoteo saludos xato'a xamalliajwa. Japon, xan suapich, nabist Diosliajwa. Lucio, Jasónbej, Sosípaterbej, japibej saludos xato'a xamalliajwa. Japibej judíos, me-ama xan.

<sup>22</sup> Xan, Tercio, lelx ampox carta, Pablo jum-aechfulpoxan. Xanbej saludos xato'ax xamalliajwa, puexa xatis wajpaklon Jesús pejjiws xot.

<sup>23</sup> Gayobej saludos xato'a xamalliajwa. Xan amwutjel dukx japon pejbaxot. Japon, Gayo, tapaei puexa jiw, naexasiti Jesús pejwujajan, japi natamejaliajwa japon pejbatat. Erastobej saludos xato'a xamalliajwa. Japon tesorero, plata tataeflan, Corinto paklowaxliajwapi. Wajkoewan Cuartobej saludos xato'a xamalliajwa. <sup>24</sup> Xan wajpaklon Jesucristo kawujajnax japon xamal kajachawaesliajwa. ¡Jasox nej ja-aече'!

*Pablo jum-aechpoxan, ampox carta toesiajwa wut*

<sup>25</sup> Puexa xatis jumchiyaxaes Diosliajwa: “¡Xam xabich pachaemam!” —chiyaxaes. Dios xajur nakkajachawaesliajwa kaes chiekal xanaboejalijwas Dios. Japox chiekal matabijas, jum-aech xot Jesús pejwujajan, chimiawujajan, jiw bu'weyaxaespoxlajwa. Xan japawujajan naewujajna. Japawujajan majt maliach pejwujajan. Majt Dios chapae-el japawujajan kaen aton matabijsliajwa. <sup>26</sup> Chajiakolaxtat profetas chiekal matabija Jesús pasliajwapox, Dios chajia chapaeis xoti. Samata, profetas japoxliajwa lel, Dios kito'as xot. Japon Dios, pomatkoichapon, amwutjel japon naktapaei chiekal matabijaliajwas Jesucristo pejwujajan. Dios buxto'abej pejjiwpi, japi naewujajnalijwa japawujajan potujajna jiw naexasisliajwa.

<sup>27</sup> ¡Kaen Dios matabijsan! Samata, Jesucristo tuj xot xatisliajwa, ¡pomatkoicha jumchiyaxaes: “Dios, ¡xam xabich pachaemam!” —chiyaxaes! ¡Jasox nej ja-aeché!



**Pajelwaaian Dios pejjamechan**  
**New Testament in Guayabero (CO:guo:Guayabero)**

copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
809259d4-ca58-5124-9a05-fd84078a3de3